

AWE Mainta

Februari 13, 2018

www.awemainta.com

www.facebook.com/awemainta

noticia@awemainta.com

583-1400

ARUBA A GOZA SU CARNAVAL 64 CADA RATO!



Experience the difference

- Alarm Installation
- Camera Installation
- Online viewing
- Monitoring Service
- Guard Service
- Patrol Service



Your protection partner since 1996

We don't just say it... We Guarantee it!



INVEST SECURE N.V.

Phone: (297) 582-7252
E-mail: insec@setarnet.aw
f: [@investsecurearuba](https://www.facebook.com/investsecurearuba)

= exact

Business Processes
Marketing, Sales and Service
Logistics & Supply Chain Management
Reporting & Compliance
Planning & Production
Finance & Accounting
Project Management

Supporting all your business activities

Our goal is to understand and anticipate your business requirements. It means that everything we do is geared towards equipping you with solutions that will help you succeed as markets evolve

Solutions for Finance, Manufacturing, Wholesale Distribution, Professional Services, HRM, CRM and BPM

VCC
International NV

Exact. And it all comes together. Tel: 583-7072 | info@vcc.int.com | www.vcc-int.com

12 luna pidi pa homber cu tapa cara di ex cu paña cu amoniak



DIA 2 di maart awor e acusado Oscar B. lo haya sa si Huez a bay di acuerdo cu e demanda di 12 luna di castigo a pidi pa e acusacion contra dje. E acusacion ta encera entre otro cu el a pone un paña cu amoniak riba cara, boca y nanishi di su ex despues cu nan tabatin un discusion.

E acusacion ta cu riba 22 di juli aña el a trata di mata su ex; of el a maltrat'e severamente; of intento di maltrato pisa of maltrato serio, haciendo uzo di un paña cu amoniak of amonia.

E acusado mes a admiti di a comete e hecho pero ta bisa cu su intencion no tabata pa mata su ex compañera. "Mi ta admiti cu mi tabata fout di agredie. Nunca mi intencion tabata mat'e." Riba e dia en cuestion, el a splica Hues, su wela a fayece y el a bebe masha hopi. E anochi ey, e ta bisa, el a keda drumi na cas di su ex. "Tin biaha mi ta drumi eynan of na cas di mi tata." Esaki ta wordo contradici door di su ex, kende ta bisa cu e homber no ta keda cerca dje y nan no tin nada mas cu otro. Pero e acusado a keda insisti cu e ta drumi tanto na cas di su tata como di e muhe.

Hecho ta cu dia di e sucedido, el a

lanta mainta y e ex a bahe na parada di bus. E dia ey el a sigui bebe y a bolbe e cas / apartamento 3'or. Esey ta momento cu nan a haya un discusion y a cuminsa bringa cu otro. Dado momento el a bay den cushina y el a mira den un cashi un boter cu likido y el a dicidi di bay haci un joke cune pa cambia su cara rabia. "MI a basha e likido riba e paña y a mi a bis'e hole. Loke a pasa despues mi ta laga mi Abogado conta." Tur esaki ta locual e acusado a declara diabierna mainta den Corte.

E victima Claudia a bisa cu el a divorcia di e acusado na 2015. Despues di esey diferente biaha e mester a yama Polis pasobra e homber ta molestie. Y hasta un biaha a kima su cas. El a dicidi di aleha su mes y a bay biba cu su yiu na Merca. Ora cu el a tende cu e homber tin un otro pareha, nan a bolbe Aruba y a bay biba na San Nicolas. Pero atrobe, segun e victima, e homber tabata bin buske y haci problema pa cual nan a dicidi di muda pa Meiveld. E problema ta cu cada biaha cu e homber bebe y bira burachi e kier bin drumi cerca dje. E dia di e problema esey tabata e caso atrobe, pero e no a lague drencia. Pa su sorpresa ora cu el a lanta mainta, el a topa e homber drumi riba e stupi pafo. El a hacie un favor di bahe na standplaats. Pero e homber a sigui strobe durante dia, pidiendo yabi di e apartamento pa e drencia.

Atardi el a yega cas y e acusado a yega su tras. Un amigo a bah'e eynan. Hustamente e tabata na celular cu tata di e acusado ora cu el a yega bati na porta. E excuus tabata cu e mester presta e baño. El a sigui pa-

pia na telefon ora cu dado momento e homber a yam'e bin tende y a bis'e hole e paña aki su olor. "Mi a haya un olor fuerte y el a sigui pusha e paña den mi cara mientras cu mi tabata lucha pa kit'e y mi a cuminsa grita pa ayudo." E tata cu tabata na telefon cu e victima, a scucha grito. Den su declaracion, e muhe a bisa cu despues di esaki, Oscar tabata lastr'e di un banda pa otro cu e paña riba su boca y nanishi. "Mi no por a hala rosea y dado momento mi a cuminsa sangra di mi boca y mi a dicidi di morde Oscar ora cu el a hinca su dedenan den mi garganta. E ora el a lagami los." El a core bay busca ayudo na un bisiña pero e no por a ni papia y a bay off. E bisiña a core bay e cas pa cere y a haya e olor fuerte tambe.

Un dia despues cu el a bay cas, el a haya un botter di ammoniak cu e ta bisa no ta di dje, pasobra e no ta uza e likido ey ya cu e ta hopi fuerte. Esaki a wordo confisca door di autoridadnan y a haci test riba dje.

E tata a bisa cu Oscr no ta mal hende pero ora cu e bebe e ta bira agresivo y cu nan mes tin miedo di dje.

A haya e paña cu sanger y test haci a demostra cu likido amoniak a wordo uza. Expertonan ta bisa cu ora uza esaki e por afecta e via respiratorio, por causa kemadura y afecta pulmonnan. Fiscal den su rekisitorio a bisa cu a haya unicamente proba intento di maltrato pisa. Mirando e actitud di e acusado e ta haya cu e mester di ayudo pa cual el a pidi 12 luna di cual 5 luna ta condicional, 2 aña di prueba. Y pa un aña e mester pone su mes bou guia di reclassering y mester bay curso pa controla su agresividad.

Huez a bisa cu e mester di tempo pa studia e caso y lo dicta sentencia di 2 di maart pa 8.15

Traficador di oro a keda deteni na Aruba

A confisca 50 kilo di oro (46 bara) balorisa na 2.1 miyon dolar



TABATA Diabierna anochi un pasahero di KLM a wordo baha for di avion net prome cu a lanta buelo y el a wordo deteni pa RST riba sospecho di trafication di oro y falsificacion.

E sospechoso ta procedente di Venezuela tabatin 46 bara di oro cu ne. Ta trata di en total alrededor di 50 kilo di oro cu ta representa un balor di 2.1 miyon dolar.

A base di informacion haya di FIOD (Hulanda) y RST na Corsou, e sospechoso por a wordo deteni. E accion ta un iniciativa conhunto di RST di Aruba, Cuerpo Policial di Aruba, Ministerio Publico di Aruba y Afpakteam di Aruba.

E sospechoso ta den detencion y e investigacion ta andando. Den cuadro di e investigacion, lo coopera cu Corsou y Hulanda.

Tabata ainda siman pasa cu Secretario di Estado, Raymond Knops a contesta preguntanan cu e miembro di Tweede Kamer pa SP, Ronald van Raak a haci. Unda el a ser contesta cu no tin prueba n'e islanan ABC, cu tin trafication di oro. Contesta di e Secretario di Estado ta basa riba investigacion cu autoridad di e islanan ABC a haci, ya cu nunca antes a haya ni indicacion.

Mester bisa cu tabata e periodista investigativo, Bram Ebus a duna di conoce cu diariamente tin buelonan di contrabanda di oro ta tuma lugar pa Aruba, Corsou y Bonaire, unda no solamente oro ta ser contrabandea, pero tambe diamante. Tambe el a duna di conoce cu tras di henter e operacion aki, e ehercito militar Venezolano ta involvi, kende a percura pa mantene e operacion aki secreto.

Su tripanan a sali afo

Pelea despues di parada a caba den hincamento y a laga un victima hopi grave

DIASABRA, pa mas of menos 9'or y 38, Central ta manda un patruya cu urgencia na altura di Macro Supermarket pa hincamento cu herido, unda cu e intestinonan di e victima a keda exponi. Na e sitio polis a mira un victima masculino riba caminda. E tabata tin un hinca na su barica, unda cu su intestinonan tabata saca afo. Patruya a pidi pa un ambulance cu urgencia.

E victima P, no a papia, pero si tabata na tino. Na su cara por a realisa cu e tabata tin hopi dolor. E homber G. a bin duna asistencia y a trankilise. P. tabata tin un serbete blanco riba su herida. Posiblemente esaki a wordo poni door di boluntarionan. Un homber yama C. parece ta amigo di e victima, a declara cu un grupo di hoben a bin y tabata busca problema. P. a bay para nan. E ora ey el a keda herida. C. no por a bisa precisamente kico a sosode. G. a declara cu ta trata aki di e gang di SH, cu semper ta anda cerca di Weg Fontein Minimarket. E no a mira ken lo a maltrata P. cu un arma, pero si kendenan tabata envolvi den e pelea.

Un colega a duna descripcion di un di e causantenan. E tabata tin cabey di rasta, color bruin scur y bisti cu un camisa preto. E homber aki tabata cana hunto cu un otro homber bisti cu un camisa blanco. Polis a pasa e informacion aki na Central, cu na su turno a pasa esaki pa e otro patruyanan di San Nicolas. Pa banda di 9'or y 55 di anochi, na altura di un



percela den St. Maartenstraat, e sospechoso CH y SH a keda deteni. E ambulance a bin na e sitio y a hiba e victima P. pa hospital. Durante investigacion na e sitio un homber a bin cerca polis.

El a muestra polis direccion p'abao y a declara cu un homber cu na e momento ey cu tabata crusando caya, tambe tabata envolvi den e pelea.

Tambe el a declara cu e ta desea di keda anonimo. Personal di trafico a bin reforsa e patruya y pa 10'or y 10 di anochi, e sospechoso JM a keda deteni. Tur sospechoso a wordo hiba na warda di San Nicolas, unda cu nan a keda presenta dilanti di subfiscal. Recherche na warda, departamento tecnico y slachtofferhulp a bin na e sitio.

Temporada di carnaval a pasa lagando 181 detencion den 13 evento



TANTO Polis como personal di CEA tabatin hopi trabou riba e ultimo evento grandi di Aruba su carnaval pa 2018.

Manera ta conoci, e fin di siman tabata uno largo pa tanto Polis como CEA, kendenan tin trabou pa haci prome, durante y despues di e paradanan.

Cuminsando cu e parada grandi di San Nicolas, e prome grupo a yega 5.10 y e ultimo, last lap a yega 6.55. Tabatin en total 14 detencion compara cu e 8-nan di aña pasa. Un biaha mas hopi hoben deteni, di cual esun mas hoben tabatin 16 aña y esun mas bieu 46. Di e total di 14 detencion, 5 di nan ta menor di edad.

Unidad motoriza a controla mas cu 50 chauffeur, kendenan mester s'upla y di esaki solamente 4 persona a wordo deteni p'acore bou influencia di alcohol e restonan a test bou di e limite.

Pa loke ta parada di Playa e prome grupo a drenta 6.06 y e ultimo cu tabata e lastlap pa 8.05 di anochi. Tabatin en total 43 detencion compara cu 41 di aña pasa. Di e cantidad aki 4 tabata sospechosonan cu tabata wordo busca pa husticia, un di nan tabata un ilegal, 7 ta menor di edad (3 di 15 aña, 1 di 16 y 3 di 17). . Na final di e parada, prome cu kimamento di Momo tabatin un hincamento tambe.

Total di e detencionnan den e 13 eventonan di carnaval tabata 181. Esnan cu a wordo deteni mester a paga nan boet di biaha cash of swipe sino nan caso ta bini dilanti.



THE CASINO
HILTON ARUBA CARIBBEAN
RESORT & CASINO

HOT
Seats

WIN EVERY 20 MINUTES

Valentine's Day

\$25 FREE Play

From 8pm to 12midnight, with your membership card

The Casino Aruba at Hilton. For more information call the Players' Club at 526-6930.
Opening hours: 12 noon to 4am; Tables 6pm to 4am;
Poker room 6:30pm to 4am; Saturday & Sunday: 11am to 4am. [f](#) The Casino Aruba.

Taxista Pirata Venezolano cu menos bon intencion

DIASABRA den pasahero femenino oranan di marduga, un dama cu a caba di traha y tabata tin pura pa yega su cas, a dicidi di tuma lift cu un taxi pirata.

Na momento cu nan tabata pasando e rotonde Seroe Blanco, e dama a nota cu e taxi pirata aki a tuma un otro rumbo, ela cuminsa desconfia, pero den e taxi pirata tabata tin dos otro pasahero femenino mas. Na momento cu ela ripara cu un di e pasahero aki a purba na saca su cartera for di su tas, mesora ela ranca su cartera bek for di e muher su man y manera e auto a para, ela core baha for di e auto pa busca ayudo. Pa su suerte ela bin topa cu un conoci di dje, cu a bati alarma pe, ela conta polis tur loke a sosode, cu ta trata di un Taxi



Pirata, Toyota Yaris Shinishi, maneha pa un homber Venezolano y cu den e auto tabata tin dos dama y e dama a keda pasa venezolano como pa entrega un keho pasahero. Polis a oficial di locual a sosituma su declaracion ode cu su persona.

Ladronnan di tapa di wiel a wordo gara pa polis

DIABIERNA, pa inglot di Alhambra mas of menos 9'or Casinonan a ripara di anochi, polis tabata coriendo riba JE Irausquin Boulevard bayendo zuid, ora cu na altura di e park-

inglot di Alhambra Casinonan a ripara un situacion sospechoso. Patruya a mira dos hoben banda di e caminda banda pabao



di e caminda. Ora cu nan a mira polis, un di e hobennan aki a hurk y e otro a keda para banda di e piedra grandi, dilanti di un Toyota color cora. Despues a bin resulta di ta un Toyota Yaris. Polis a pasa voorbij y a bin bek, y a mira e dos hobennan aki ta

crusa caya. Un tabata tin un tshirt berde y tabata tin algun tapa di wiel cun'e.

Prome cu polis por a papia cu nan, esaki a laga e tapanan cay y a purba di cana bay direccion di hospital. Nan a wordo deteni pa 9'or y 5 pa ladroncia. E dos so-

spechosonan a wordo hiba na warda di Strandpolitie, unda cu nan a keda presenta dilanti di fiscal auxiliar y despues hiba Shaba unda cu nan a keda encarcela pa mas investigacion. Na Alhambra keho di ladroncia a wordo tuma. Central a wordo poni na altura.

BO MESTER DI WASTE BUCKET RESIDENCIAL OF COMERCIAL?

ecotech GROUP

YAMA


Mr. Bucket

594-3757
mrbucket@ecotech.dw

20 yrd Big Bucket

15 yrd Junior Bucket

10 yrd Small Bucket



We're Hiring!

Looking for an exciting career opportunity with a fast-paced company? Look no further. We are looking to hire:

- **ACCOUNTING MANAGER - JOB CODE 001**
- **IT TECHNICIAN - JOB CODE 002**
- **ACCOUNTING CLERK - JOB CODE 003**
- **CLAIMS AGENT - JOB CODE 006**



For full job details, please send an email to: hr-abc@nagico.com with the corresponding job code or contact HR at 588.7000 ext. 227

Muher a horta cuminda pa duna su 4 yiunan cuminda

DIASABRA mainta den careda di 11'or polis a bay na e cas conoci pa nan, situa pabou di Subway.

Informacion cu a drenta tabata, cu na e adres tin un persona no desea.

E cas aki ta situa pabou di Subway "Paradera", ta un cas conoci pa bende-mento di droga y mas cosnan ilicito. Loke a pasa ta cu e dama aki a bay cumpra droga (piedra), aki nan algo a bay robes y a start un problema.

Na yegada di polisnan, pa nan sorpre-
sa tegenover di Subway den e mondi,
nan a topa cu e muhe aki y ta resulta
cu tin opsporing pa su persona.

E muhe aki lo a aparece ariba Cama-
ra di seguridad di un Supermarket,
momento e tawata horta. Na e sitio
ela admiti na polis cu ela horta, pero
tawata pa cria su 4 yiunan cu apar-



entamente no tin cuminda.

Ayera autoridad hunto cu Voogdi-
jraad a yega na e cas, unda e ta biba
na Tarabana, pero no a haye na cas.

Esaki ta un di e situacionnan social
lamentabel cu nos mester trece di-
lanti.

Caminda cu e mama pa un of otro
motibo tin problemanan social y

emocional ta bay horta y es mas ta
recuri na uso di droga tambe.

E parti positivo ta manera ya nos a
bisa, Voogdijraad ta na altura y mester
actua pa protega e cuatro muchanan.
Ban spera cu tur cos bay bon cu e
criaturanan y spera cu e mama hoben
aki por wordo yuda mas pronto cu ta
posibel.

Trip familiar a caba den accidente na Conchi



DIADOMINGO atardi den
careda di 4'or alarma grandi a
wordo bati pa bay Shete, camin-
da un famia lo a cay di baranca
na Conchi.

Prome informe nan cu nos tin ta
papia cu e famia local, lo tawata
ariba baranca y ola grandi a bin
y bay cu nan den lama.

Ta trata di 6 persona, di cual dos
lo ta seriamente herida y am-
bulance lo bay transporta nan
cu urgencia pa hospitaal. Polis,
Brandweer y varios Ambulance
ta na e sitio, na momento cu nos
ta treciendo e noticia aki.

Definitivamente gobierno lo no hiba dialogo mas cu sindicato of cualquier gremio

NA momento cu pueblo na 2009 a duna Gabinete Mike Eman I mandato solido di 13 asiento, ya caba partido AVP como parti di su programa di gobernacion, a pone como punto cardinal di su maneho, cu lo “dialoga” cu pueblo riba tur asunto cu Gobierno lo hiba den su maneho.

Parlamentario Marlon Sneek, lider di fraccion di AVP a muestra cu a inicia un serie di dialogo nacional cu tur gremio, caminda a analisa, discuti y yega na consenso riba e rumbo di maneho di pais Aruba.

Un maneho cu tur transparencia posibel y cu participacion di representantenan di pueblo den decisionnan di gobierno, y caminda a logra sosten riba proyectonan importante pa desarrollo y progreso di e pais.

Sr Sneek sinembargo ta muestra cu den ultimo siman por a tuma

nota cu e gobierno di coalicion na mando, no ta kere den dialogo cu pueblo, dialogo cu gremionan ya cu nan ta insisti cu nan lo ehecuta na programa di gobernacion di e tres partidonan, cu ta diferencia hopi di otro pero cu aparentemente tur lo ehecuta segun e mandato cu nan ta bisa nan a haya di pueblo.

E posicion di e partido mas grandi den e coalicion, esta partido MEP, ya ta conoci for di den pasado y durante di debatenan cu a tuma luga durante di campaña electoral, cu nan ta considera dialogo un tipo di ‘washy washy,’ pues algo sin importancia y cu no ta necesario.

Esaki a bira un realidad tambe ora cu e lider di MEP durante formacion di su gobierno a insisti cu e lo forma un gobierno di 7 minister, ta bira pone esaki un banda pa asina e logra su gobierno y ta bin cu 8 Minister mientras

cu tin un secretario di estado cu ta un camuflahe di un di 9 minister.

Parlamentario Sneek a sigui muestra cu Minister Rudy Lampe a muestra cu e determina pa lanta un fundacion pa maneha enseñansa ya cu esaki ta un di e puntonan di e programa di gobernacion di su partido RED y cu e lo no desvia di esaki, loke ta nifica

cu lo no tin dialogo cu sindicatonan tampoco.

Esaki ta lanta otro pregunta si partido RED lo insisti pa introduci otro punto cardinal di su programa di gobernacion, esta legalizacion di uzo di marihuana y si e otro dos partnernan di coalicion, lo bay sostene esaki den Parlamento mirando cu partido RED tin un

solo asiento den Parlamento.

Analizando e ultimo confrontacion entre sinicato SADA y Minister di Finansa, por conclui cu en berdad e gobierno di coalicion no ta kere den dialogo, no ta kere den sinta na mes y atende cu interesnan di pueblo y definitivamente kier impone su pensamiento riba pueblo, Parlamentario Marlon Sneek a muestra.



LA VISTA
ARUBA

VALENTINE'S DAY 3-COURSE DINNER

Wednesday, February 14th, from 5:30PM till 10:30PM

\$30 per person

Aruba Marriott Resort • L.G. Smith Boulevard 101 • 520-6312

Chauffeur agresivo a agredi otro chauffeur

DIASABRA den oranan di mainta, un patruya di polis ta wordo manda na Wema Ponton pa un caso di maltrato.

Na yegada e patruya a bin topa cu un homber kende ta splica polis cu un rato pasa ela wordo agredi pa chauffeur di un Nissan March Blauw scur. Segun e victima e tabata den su auto y na momento cu tabata acercan-

do Wema ela pone su señal pa e staciona y manera cu ela staciona, e chauffeur di e Nissan March cu tabata su tras a baha for di su auto, a habri e porta di e auto di e victima y a agredi'e, e chauffeur agresivo a reclame cu ela pone su señal mucho tempran, mesora e agresor a bandona e sitio. E victima no kier a duna keho, pero polis tin tur datos y a keda



di busca e chauffeur di e Nissan March

aki pa hala su atencion riba su compor-

tacion agresivo den trafico.

Homber a cay for di dak y kibra tur dos pols

INTERUPCION DI CORIENTE

En conexion cu trabaonan necesario, coriente lo wordo interumpi:

**Diahuebs
15 februari, 2018**

8:00 'or a.m. te cu 4:00 'or p.m.



VECINDARIO

- Jaburibari
- Moko (un parti)
- Fuerte
- Nunje (un parti)
- Tur cliente cu tin aansluiting riba Seroe di Jaburibari
- Parke Curason
- Caya Bembe
- Caya Kanebloem
- Caya Seida
- Caya Bini Bini
- Caya Fransebloem
- Caya Balorian

Elmar ta pidi disculpa pa e inconveniencia cu e interupcion aki por causa.

Pa mas informacion yama 523-7100 of e-mail nos via customerservice@elmar.aw

DIABIERNA, pa mas of menos 3'or y 50 di atardi, Central ta manda patruya di Noord na San Miguel pa un situacio caminda cu un homber lo mester a cay for di dak. A bin resulta cu un homber tabata trahando riba dak di un cas y a cay parit panort di e cas.

Pida asbest cu e homber tabata bezig cun'e a kibra unda cu el a cay abao. E mester a cay riba su cara, pa evita esaki el a purba di pone su mannan dilanti y door di esey a kibra tur dos pols. Ambos bols tabata na un manera abnormal. E homber a wordo hiba hospital cu ambulance. Su hermentnan ainda tabata riba dak y a wordo baha door di polis. Tur cos a wordo poni den su van y pa despues hiba esaki warda na disposicion di e doño. Polis a wordo poni na altura, den careda di 10'or y 15 for di yiu muhe di e victima RI, cu tabata bezig ta operand'e. Central a wordo poni na altura.

SERVICIO SEPTICO

- Residencial & Comercial
- Servicio Rapido
- Servicio Profesional, Confiabel y Garantisa

* Prijs di Awg. 65,- te max. di 7 m3
* Prices based on 3.5% BBO BAZV.

AWG 65,- INCL TAXES

YAMA NOS NA: 582-4684
info@ecotech.aw
www.ecotecharuba.com
Like Us On Facebook
Nos ta Acepta ATM ora di duna septic service

BMW a dal den palo di luz y a keda total loss



DIADOMINGO marduga algo prome cu 1:30 patruyanan di Noord a bay altura di Fisherman Hut, poco panort un auto lo a ranca tres palo di luz.

Na yegada no tawata tin hende herida.

Polisnan a constata cu un palo di luz a wordo ranca completamente y e otro dosnan a sufri daño.

Segun nos por a compronde, e BMW lo tawata bayendo direccion nort cu velocidad halto y ta perde control bay na su man robes.

Elmar tambe a presenta na e sitio. Loke ta e BMW, por mira con ela keda ariba e fotonan.



FLORA
Home and Garden Decorations

Flora celebrates Valentine bigger than ever!

GLASS VASE WITH LUCKY BAMBOO & RED ROSE

Afl. 19,⁹⁵

ORCHID MIX CAMBRIA

~~Afl. 39,⁹⁵~~
NOW Afl. 29,⁹⁵

Happy Valentine's Day

Wednesday February 14 Valentine's Day

www.flora.aw

Avenida Milio Croes 101 - Tel: (+297) 583 6468

Homber burachi ta bay busca problema na ex



DIASABRA den oranan di marduga un patruya di polis ta wordo manda na un adres na Madiki pa un problema bayendo for di man entre un ex pareha.

Na yegada e polisnan a topa cu un homber bou influencia y nan a bin compronde cu e homber aki a bay na cas di su ex pareha, ela cuminsa haci fastioso, grita y asina a spanta e dama y e muchanan. Nan tabata tin hopi miedo di e homber.

Polis mesora a detene e homber aki y a transporte pa Warda di Polis.

Primito
PEST CONTROL GARDEN CARE
Experto den Comehein
Solucion pa problema di
fruminga, garpata, kakalaka
Call Today: 588-4000
Free termite quotation.

Dianira ta tira piedra riba clientenan di supermercado

DIABIERNA pa mas of menos 8'or di mainta, Central ta manda patruya na Dakota Supermarket pa un caso di maltrato. Eynan ta papia cu e dama F., kende ta conta cu e conocido adicto ambulante, Dianira Krozendijk, a causa problema na e supermercado. Dianira a bay na e luga eynan y a pidi pa placa. Mirando cu F. no tabata duna Dianira Placa, esaki a cuminda dal'e cu un cd-rom. Dianira a bay over na e caha y purba di habri esaki pa coy placa. Akinan a cuminsa un

pushamento y rekmento entre dos damanan. Dianira despues a bay pafu y a coy un laptop preto cu e tabata tin cun'e riba vloer.



Despues di esey, Dianira a bay. Polis a controla den vecindario, pero no a topa cun'e. F. a duda pa duna keho. El a wordo poni na altura cu ainda e por duna keho despues. E laptop y cd-rom a wordo confisca y a wordo hinca den deposito di recherche. Central y comandante na warda a wordo poni na altura.



HERMUS
RIJSCHOOL NV
5943263 / 5826732
Hermusrijsschoolnv.com
Sividivi 1-C



Chauffeur “cansa” a perde control y dal den cura



DIASABRA pa mas o menos mey anochi, un patruya di polis ta wordo manda na un cas pazuid di Colegio San Antonio pa un auto cu a dal contra un cura di cas y e chauffeur lo tabata levemente herida

Na yegada enberdad e patruya ta topa cu un cura di cas parcialmente kibra y un Nissan Cube Cora cu basta daño material, aparentemente e chauffeur di e Nissan Cube den e bocht pa un motibo of otro a perde control y a bay dal contra e cura di cas.

E chauffeur no tabata herida pero si tabata muestra cu tabata bou influencia, e agentenan na e sitio a detene e chauffeur y a transporte pa warda di polis pa haci test di alcohol.



HUMAN RESOURCES MANAGER

We are dedicated into making Playa Linda a Home Away From Home for our guests, members and associates. If you are passionate about Hospitality and looking for a new challenge, don't miss this opportunity to join the Playa Linda team. We are looking for an eager leader that wants to make every guest experience unique, positive, successful and inspiring by providing our employees with the right tools & guidance.

Requirements:

- Bachelor degree in Human Resources Management
- At least 5 years experience in equivalent position
- Read, write, speak and comprehend English and Dutch language is a must
- Be able to work with MS Office
- Has strong leadership skills, firm, dynamic and outgoing personality
- Ability to develop, plan, and implement short- and long-term goals
- Broad knowledge of Aruban labor laws
- Pays good attention to details
- Be able to set priorities and meet deadlines
- Able to supervise employees
- Team player, able to multitask and flexible approach

Playa Linda Beach Resort is a Green Certified timeshare resort consisting of 215 suites. Our members are from all around the world, but mainly from the USA. Playa Linda Beach Resort has won the RCI Cold Crown Award for more than 26 years, a distinction given to resorts that have attained the highest level of excellence in resort accommodations and hospitality. Interval International also bestowed Premier Status on the resort for several consecutive years.

Description:

The Manager of Human Resources is responsible for recruiting and staffing, organizational departmental planning, performance management, organization development, employee onboarding, development and training, policy development and documentation, employee activities & events, employee relations, employee services and counseling.

HOW TO APPLY?

Please e-mail your motivation letter along with your resume to Milda Ras at humanresources@playalinda.com or fill in an application form at our Human Resources Department from 9.00 am – 3.30 pm.



Chauffeur di Montero a huy despues di accidente



DIASABRA den oranan di marduga ta sosode un caso di hit and run na Palm Beach na altura di Paseo Herencia, mesora ta pidi pa presencia di polis. Na yegada di e agentenan policial ta nota enberdad cu ta trata di un caso di hit and run, den cual aparentemente e chauffeur di un Mitsubishi Montero A17022 no a regula su velocidad na tempo y a bay dal tras di e Toyota Tercel su dilanti, enbes cu e chauffeur a baha y a para pa su responsabilidad, ela ranca bay for di e sitio manera nada no a pasa. Polis a keda di bay atende cu e chauffeur di e Mitsubishi Montero.

Homber burachi a bira agresivo riba polis y su amiga

DIABIERNA, pa mas of menos 2'or y 35 di marduga, Central a manda patruya na altura di Arubus, den B v/d Veen Zep-penfeldstraat, unda cu un persona tabata tin algo di bisa. E homber a declara na Central cu su ru-man muhe di 15 aña a core bay den un auto cu dos homber y cu e no sa unda el a

bay. Na e sitio, polis no a topa cu ningun hende.

Nan a bay sigui nan patruya despues na un otro asistencia na altura di Aruba Bank den B v/d Veen Zep-penfeldstraat pa un kiebro. Ora cu polis a yega eyan, polis a mira cu tabata tin un homber cu tabata cana ariba abao. E

homber aki tabata hopi inkieto y tabata papia cu su mes. Parce cu e tabata buscando un mucha muhe. Diripente polis a mira cu e homber aki a acerca un mucha muhe y a cumin-sa grit'e. Polis a bay papia cu e homber, kende a declara cu el a yama polis un rato prome y cu polis a dura demasiado

y cu e no kier ningun asistencia mas di polis. E homber a papia na un manera hopi agresivo cu polis. El a ricibi un bon scual di nan riba su compor-tacion y a core for di e sitio.

Un momento despues, polis a mira atrobe cu e homber aki tabata grita e mucha muhe na altura di e bushalte. Dado momento, e adicto ambulante M. a bisa polis cu un rato prome e homber tabata maltrata e mucha muhe. Polis a bolbe bay cerca e homber y e mucha muhe. E mucha muhe a declara cu e tin un relacion cu e homber aki y e no sa kico a pasa cu a bay robes. Polis a purba di papia cu

e homber, pero esaki tabata hopi agresivo y no tabata muestra comprension. Su wowonan tabata cora y di baina por a papia, como tambe su aliento tabata hole alcohol.

E tabata papia cu lenga pisa. Polis a constata cu e homber tabata fuertemente bao di influencia di alcohol. A base di e hechonan ya conoci y bao di cual circunstancia e homber tabata, e sospechoso yama AR, pa 2'or y 50, a wordo deteni pa buracheria publico. El a wordo hiba na warda di San Nicolas, unda el a keda presenta dilanti di fiscal auxiliar. El a keda encarcela pa e por a saca su wayaba.





Corant AWEMainta ta busca un Layout Designer

Cinco hoben di BYOF ta bay presenta na Aruba



Trabounan di mantencion na Casita Geel a cuminsa



Si bo ta un persona cu Tin experiencia den InDesign, Photoshop, Illustrator

- Ta Creativo
- Tin iniciativa propio
- Por traha den team
- Por traha anochi
- Por traha bon bou presion
- Mester tin su transporte propio

Pa aplica manda bo CV na:
Lissenne@awemainta.com

Chauffeur a pega soño mey-mey di caminda

DIABIERNA, pa mas of menos 1'or y 53 di marduga, Central a manda patruya di Playa na Tanki Leendert pa un persona kende tabata drumi den auto riba caminda publico. Na e sitio, a bin topa cu un Ford Focus color shinishi. Den dje tabata tin un dama morto na soño. Polis a lanta e dama y a puntr'e

dicon e tabata drumi banda di caminda. E dama di nomber MT, a indica na patruya cu e tabata hopi cansa y ta p'esey el a para canto di caminda pa drumi un rato. Polis e ora a dicidi pa hunto cun'e den su auto, hib'e cas, situa na Tanki Leendert. Central a wordo poni na altura.

Hombenan a presenta pa tuma vengansa

DIABIERNA, pa mas of menos 2'or y 58 di marduga, Central ta manda patruya na un adres na Sero Biento pa un caso di kiebro. Eynan a papia cu e homber V., kende a declara cu e tabata drumi ora cu di repente el a scucha un zonido duro pafo di su cas.

Door di esaki el a bay p'afo y a mira dos homber. E hombernan aki a puntr'e pa su yiu yama M. V.. El a bisa e hombernan cu M. no ta na cas. Door di esaki e dos hombernan a cuminsa kibra e parti dilanti di e cas. Un di e hombernan tabata tin un bat den su man. V. a bay di biaha paden y a cera e porta dilanti na yabi y a yama polis.

Na yegada di polis, V. a bin pafo bek. Akinan el a mira cu porta di su cura tambe tabata destrui. Mucho e no por a bisa di e dos hombernan, mirando cu tabata scur. Loke e por a mira ta cu un di nan tabata tin un tshirt blanco riba su cabes. V. lo bay papia cu su yiu M. y puntr'e si e conoce e dos hombernan aki. Si ta asina V. lo bay duna keho di e conocido sospechoso na recherche. Polis a tuma e datonan necesario den caso si e mester haci un denuncia. A bisa V. pa yama Central di biaha si en caso cu e dos hombernan aki mester bin bek. Central a wordo poni na altura. Polis a haci un buskeda den vecindario. Esaki tin atencion di polis.

Servicio pa Comunidad



Emergencia

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Polis Tipline	11141

Ambulance San Nicolas	584-5050
Ambulance Sasaki	582-5573
Ambulance Wayaca	582-1234

Hospital	527-4000
Centro Medico San Nicolas ..	524-8833
SVB (AO-Ziekmelding)	527-2782

Botica na Warda

Pabou di Brug:

Maria

Pariba di Brug:

Seroe Preto

Dokter na Warda

Pabou di Brug:

Pariba di Brug:

Servicionan

ELMAR Storingdienst	523-7147
SETAR Storingdienst	117
Digicel	145
WEB Storingdienst	525-4600
Reina Beatrix Int'l Airport	524-2424
Serlimar	584-5080
Arugas	585-1198
Guarda Costa	913

Funeraria

AD Patres	584-2299
Aurora	588-6699
The Olive Tree	582-0000

Fundacion

Rode Kruis Aruba	582-2219
FADA	583-2999
Fundacion Respeta Mi	582-4433
Fundacion Guia Mi	587-1677
Muhe den Dificultad	583-5400
Telefon pa Hubentud	131
Centro Kibrahacha	588-3131
Stichting Bloedbank	587-0002
Mary Joan Foundation	588-9999
Koningin Wilhemina Fonds ...	582-0412
Fundacion Pa Nos Muchanan..	583-4247

Cas Editorial



The Media Group

Margrietstraat #3

Oranjestad, Aruba

Tel: 583-1400 Fax: 583-1444

Orario di Oficina

Dialuna - Diabierna

8am - 5pm

Cuenta di Banco

CMB #22982600

E-mail

Redaccion: noticia@awemainta.com

Aviso: aviso@awemainta.com

Subscribi na: notica@awemainta.com

Director

Victor "Toko" Winklaar
Victor R. Winklaar

LENNOX VRF

inside Lennox® innovation

DUCTLESS MINI-SPLIT SYSTEMS

INVERTER TECHNOLOGY

LENNOX

QUALITY PRODUCTS- QUALITY ADVICES - QUALITY SERVICES

FERTEC NV

AIRCONDITIONING-REFRIGERATION - PARTS

CAYA ERNESTO PETRONIA 45
5882860 - 5633766
FERTECNV_MFER@OUTLOOK.COM

LENNOX

Has anyone ever told you that your air conditioner is beautiful?

75°

72°

72°

* ENERGY EFFICIENCY - UP TO 26 SEER
* SOUND RATING - AS LOW AS 59 DB
* SOLAR POWER CONNECTION
* ENERGY SAVINGS GUARANTEED
* 24/7 AIR CONDITIONING FOR LESS THEN AFL. 250 A MONTH

REDUCE HEATING AND COOLING BILLS BY UP TO 1/2

INVERTER TECHNOLOGY

Candela di mondi a spanta hopi hende



DIABIERNA ano-chi den careda di 10'or ariba Vondellaan por a haya hopi holor candela y tambe tawata tin hopi huma.

A resulta cu tawata tin un mondi chikito na candela, dilanti un warehouse basta bieu, unda antes La Linda tawata usa.

Den algun minuut cu informacion a drenta di e candela dos unidad di Brandweer a yega. Na prome instante a pensa cu e warehouse tawata na candela. Den algun minuut Brandweer a logra paga e mondi y asina evita cu esaki lo sigui expande.



Februari
16 & 17 **2018**

Prijs: Awg. 180,-
Lokatie: Renaissance
Convention Center



Gezondheidsrecht

VOOR **ARTSEN**

in Aruba

Voor inschrijving en informatie: <https://aruvents.com/hoh/>

Uiterlijke inschrijfdatum: 14 februari 2018





GANA CU AWEMAINTA

Like and share y participa pa gana

- ♥ Dinner for 2 di Driftwood
- ♥ Dinner for 2 di Marina Pirata
- ♥ Basket di Manrique Capriles



♥ Like AWEMainta riba Facebook

♥ Share e post aki

Premio lo wordo saka dia 14 feb mainta 10or



Pa informacion di Mike Lampe di AVP:

MEP ta informa cu e tata spiritual di persecucion politico na Aruba ta Gabinete Eman y AVP

UN di e Parlamentarionan di AVP cu ultimo tempo ta cuestiona Gobierno actual riba persecucion politico ta sr. Mike Lampe. Sinembargo den su ignorancia, te ainda despues di 2 luna, e politico aki no kier comprende cu e retiro di e mas di 300 coordinadornan cu partij-diploma a ser ocasiona dor di su propio lider di AVP, kende a dicidi dia 29 october 2013 cu tur e batayon di coordinadornan cu a bin cu su Gobierno, ta bay cu su Gobierno ("voor de duur van het kabinet Mike Eman II").

Y esaki t'e decision cu e Gobierno actual ta ehecutando cabalmente. Pero ta bon pa recorda sr. Mike Lampe cu den historia di pais Aruba e tata spiritual di persecucion politico ta partido AVP. No solamente nan a persigui contrincantenan cu tin un otro color politico, pero tambe profesionalnan trahando den Gobierno cu tabata haci nan trabao manera debe ser, segun MEP den un comunicado.

PERSECUCION POLITICO

E massacre di persecucion politico contra hendenan di MEP a cuminsa ora cu AVP a drenta gobernacion na 1986. E tempo ey nan a manda cientos di trahador humilde di TAV cas, kendenan tabata gana un salario humilde pa cria nan famia.

Tambe personanan nombra oficialmente na varios departamento di Gobierno y pa cual tabata tin vacatura habri den e Aruba nobo cu su Status Aparte a wordo manda cas per direct, esta riba e prome dia di trabao na 1986.

Politiconan di MEP trahando pa Go-

bierno a wordo corta den nan schaalnan. Director di departamentonan y tambe na Hulanda (Arubahuis) a pasa mal rato na man di e Gobierno burdugo di AVP.

E persecucion tabata asina grandi cu te hasta e ex-Director di Asunto Economico mester a bay 10 biaha pa Corte pa para e burdugonan cu cueste loke cueste kier a elimin'e como director. Y asina tin hopi otro caso mas.

PERSECUCION CONTRA PROFESIONALNAN

Pero no solamente a practica persecucion politico, pero AVP a persigui tambe profesionalnan Arubiano bon capacita cu tabata traha na Departamento di Impuesto. Asina por a mira con e Inspector y Ontvanger di Belastingen a wordo kita for di trabao inhustamente, ya cu nan a cumpli cu nan deber di cobra e placa di BBO cu refineria Valero debe pais Aruba y esaki basa riba un sentencia di Hues kende a obliga Valero di paga 280 milyon florin, pero Gabinete Eman tabata kier p'e multinational aki wordo exonera.

Tambe otro profesionalnan Arubiano trahando na Departamento di Finansa a wordo cori ya cu den e mente maligno di e ex-Ministro di Finansa di AVP supuestamente nan lo a leak informacion pa prensa. Hecho ta cu finalmente tur e profesionalnan aki a gana nan caso dilanti Hues, pero e gobierno di AVP no kier a reinstitui nan den nan funcion.

Increibel con criminal e Gobierno di AVP ta actua ora cu nos propio pro-

fesionalnan Arubano!

MAS EHEMPEL DI PERSECUCION

Un otro ehempel bibo di persecucion politico tabata ora cu ex-Ministro Sevinger manera ladron den anochi ta laga basha un kiosko di un Arubiano den Caya Betico Croes, pasobra e ciudadano aki ta aparece riba lista di MEP.

E tempo ey den Corte Hues a declara cu e Gobierno di AVP ta mina y zaag n'e pianan di nos estado di derecho. Un declaracion hopi fuerte den direccion di un Gobierno abusador.

Un otro forma di persecucion practica pa AVP t'e persecucion contra nos trahadornan local, ya cu ta hustamente Gobierno di AVP mediante e ex-Ministro Paul Croes a percura pa firma mas di 2000 ontheffingen pa trahadornan di exterior y asina a perhudica mas di 2000 mama y tata di famia riba e isla aki pa haya un trabao pa cria nan famia.

Siguramente bao di tur e 2000 ontheffingen lo tabatin funcionnan tambe cu nos hobennan lo por a ocupa ya cu e desempleo bao di nos hobennan ta haltisimo, esta mas di 25%.

Lo ta bon pa Mike Lampe kende ta pretende di sali na defensa di nos hobennan puntra Paul Croes dicon su maneho y di AVP tabata dirigi contra nos hobennan?

Finalmente, esakinan ta djis un parti chikito di tur e persecucionnan practica p'e Gobiernonan di AVP y si ta necesario partido MEP lo bin cu e di dos parti tambe y p'asina Mike Lampe keda na altura di e pasado tristo di AVP pa tur loke ta nan persecucion contra di nos Arubianonan.

Parlamentario Endy Croes (MEP):

Na Aruba tin hende probechador y sinberguensa

Stanley Arends ta otro cu a haya tereno di 24.096 M2 style di pidi awe y haya awe mes

PARLAMENTARIO Endy Croes (MEP) den fin di siman a sigui elabora trahando duro den weekend pa sigui trece claridad pa pueblo di Aruba. A campaña cu 2 aspecto hopi importante. Uno ta un plan y un programa bunita cu hopi solucion practico pa henter e pueblo, specifica den diferente capitulo cual plan porcierto ta avansando y lo bin bek riba esaki despues. Na di dos lugar a priminti pueblo cu lo busca tur contracto y actonan di corrupcion p’asina trece esakinan na claridad unda pueblo mes por huzga y alabes haci denuncianan segun ta necesario.

CORUPCION DI TERENO

Awe lo cubri especificamente un otro parti di presunto corrupcion di tereno. Den un carta data 28 di augustus 2014, sr. Marco Antonio Arends a haci un peticion como Directeur di Charm Rock Development NV na Benny Sevinger pa un tereno di un grandura di 24.096 m2, esta 24 mil vierkante meter pa construi 250 kamer di hotel na Baby Beach, Se-roe Colorado. Marco Antonio Arends ta “Stanley”, ru-man di Leoncita di Canal 90.

Den cuenta di tereno e mundo a draai rond di e famia aki so den e ultimo 8 añanan cu cooperacion total di Benny Sevinger. Dicho famia probablemente a enrikece nan mes cu e actonan aki, esta haya tereno di Gobierno gratis como optie y bende esakinan cu desaroyador-nan pa miyones. Como prueba y muestra awe nos ta publica un peticion di Stanley Arends cu a drenta kantoor di Minister di acuerdo cu e stempel di e kantoor, 15 di sep-tember 2014. Un carta cu un contenido pober, esta un A4 cu algun frase pa un peticion asina grandi.

VALSHEID IN GESCHRIFTE

Minister Benny Sevinger sinembargo e

mesun dia esta 15 di september 2014 ta firma “akkoord gaarne U medewerking” y ta saca e peticion aki pa su mañan, esta 16 di september 2014 pa DIP pa su amigo, man drechi y presunto socio Franklin Abath. Momento cu Mar-co Antonio “Stanley” Arends a haci e peticion, el a firma como Directeur di Charm Rock Development NV. Sinembargo e compania (NV) aki no tabata existi ainda. Pues claramente ta trata aki di valsheid in geschrifte cu ta castigabel pa ley.

E NV a wordo inscribi na Kamer van Koophandel 14 di november 2014, pues 2 luna despues cu ya Benny a duna su aprobacion. Alaves nos a tuma nota di e rekesitonan di DIP capitulo IA di Landsverordering Uitgifte Eigendom-men AB 1989 no GT 21 cu ta reglamen-ta derecho riba erfpacht riba terenonan pa proyectonan comercial, turistico y industrial.

Peticion ta wordo haci na Minister en-carga door “tussenkomst” di Directeur di DIP. Esaki di tur manera no a sosode.

NO CUMPLIMENTO CU REKESI-TONAN

Den ecarta di peticion mester wordo menciona den corto 1. Descripcion di e proyecto, 2. Tipo di proyecto, 3. Gran-dura di tereno cu ta wordo pidi, 4. E suma di inversion pa cu dicho proyec-to, 5. Financiamiento di e proyecto, 6. Declaracion di un banco cu lo facilita e prestamo, 7. Mapa di e proyecto y 8. Dos alternativa pa localidad di e tereno. Wel, den e carta cu e peticion di Stan-ley Arends cu nos ta publica awe no a cumpli cu 6 di e 8 rekesitonan, pero pa straño cu e ta zona Stanley Arends a ricibi akkoord di Benny Sevinger riba mesun dia cu e carta a drenta su kan-toor.

Cu rason Benny a grita den Parlamento dia 16 di januari ultimo cu “I DON’T

Only valid if accordingly signed by the Aruba Chamber of Commerce & Industry - J.E. Irausquin Blvd. 10, Oranjestad, Aruba.	
Appearing in the Trade Register of the Chamber of Commerce and Industry in ARUBA since 14 NOVEMBER 2014 ur serial number 45024.0 is the company with the tradename:	
CHARM ROCK DEVELOPMENT	
Business address	WILHELMINASTRAAT 19-B, ORANJESTAD OOST
Legal form	LIMITED LIABILITY COMPANY
Name of the company	CHARM ROCK DEVELOPMENT N.V.
Statutory seat	ARUBA
Date of incorporation	05 NOVEMBER 2014
Authorized capital	ARUBAN FLORINS 50,000.00
Issued capital	ARUBAN FLORINS 10,000.00
Paid up capital	ARUBAN FLORINS 10,000.00
Fiscal year	01 JANUARY thru 31 DECEMBER
NOT IN POSSESSION OF A BUSINESS ESTABLISHMENT LICENSE	
DIRECTORS - AUTHORIZED PERSONS AND CORPORATE BODIES - SUPERVISORY BOARD:	
ARENDS, MARCO ANTONIO:	
Born in	THE NETHERLANDS, AMSTERDAM on 11 JUNE 1979
Nationality	DUTCH
Position	MANAGING DIRECTOR
Effective	05 NOVEMBER 2014
Authority	FULL

GIVE A DAMN”. Pueblo mester warda entre 6 pa 10 aña pa haya un miserabel 400 m2 pa traha su cas mientras Stan-ley Arends, rumannan, sobrino y sobri-na tur ta haya terenonan di grandura di 5000 m2 te cu 24000 m2 den un solo dia pa haci negoshi. E otronan nos lo bin riba nan despues.

STRIKA MIYONES DI PATRIMO-NIO

E triki sushi cu tin tras di e practica aki ta cu dicho famia ta haci un peticion y ta ricibi “vap vap” un optie pornada pa un tereno comercial, pero ya caba nan tin un comprador. Nan ta lanta un NV diferente biaha despues di haya ok di Benny y ta bende 100% di shares (NV) cu e optie (tereno) na desaroyadornan pa miyones y pagonan astronomico ta core riba cuentanan bancario pafo di Aruba, entre otro di Bank of Americas y Bank of China na Colon Panama. Asina ora e akte pasa na notario e tereno ta wordo registra riba number di e NV y nan number no ta aparece mas, pero a strika miyones cu patrimonio di pueblo.

Pueblo mester haya sa e berdad y esaki ta parti di nos trabao. Na Corsou como ehempel OM a persigui Gerrit Schotte den e caso Babel y 15 di februari prox-imo durante un regie zitting lo trata e parti pa recobra placa acumula inhusta-mente door di e asina yama “ontnemen van wederrechtelijk verkregen voor-deel”. Ta trata di un suma di 1.8 miyon florin cu lo exigí Schotte paga bek sea cu su cas, propiedadnan of cash. Endy Croes ta termina bisando, e mesun direccion aki lo mester tuma cu esnan cu haci nan mes responsabel di actonan di corrupcion aki na Aruba.

Inscripcion “Voz di Kiniki Festival” pa 13 di mei 2018

TUR mayor, compositor y areglista di Aruba ta keda invita pa inscribi nan cantante infantil of hubenil cu bon talento den canto, pa participa den Voz di Kiniki Festival 2018. E final ta diasabra 12 di mei 2018 den Cas di Cultura. E ritmo di cada cancion nobo ta Merengue.

Addonsito Croes y George Winterdaal, ta informa cu esaki ta e di 4 edicion di nan festival infantil / hubenil di cancion original na Papiamentu den e mundo di mucha. Algun ganador y finalista di VDK den pasado tabata Emmanuel Blanco Sanchez, Jaydienne Croes, Xenon Daal, Xenon Orfao, Melodie Fran-

ken, Rakesh Persaud, Nyella Thijsen, Mia y Jeshua Mc Collum y Sergio Luis Garcia.

E categorianan ta di 6 pa 8 aña, 9 pa 12 aña y 13 pa 17 aña.

Cada cantante ta presenta cantando live cu su pista acompaña pa su bailarina nan riba escenario.

Pa mas informacion por bel 5602626 of 5616151.



Pa coregi tanto mal informacion t'asina cu

Lotto pa Deporte no tin nada pa sconde; bukinan ta habri

ULTIMO dianan rond di Lotto pa Deporte, cu tin un solo meta: Desacredita tur esnan involvi. Y ta bon pa coregi algun di nan, p.e. a

base di un contrato cu Tele Aruba, Lotto ta paga e suma di 300 mil florin aña pa entre otro huur di espacio unda e loteria ta tuma lugar.


E otro mitar di Afls. 600.000 cu ta ser bisa ta wordo paga na tur miembro di Hunta di Supervision ta un mentira. E miembronan di RvT ta haya pa aña Afls. 132.000.

Di e Afls 600.000,- cu a ser menciona, manera menciona 50% ta bay pa Tele Aruba, y e otro 50% pa maneho di e empresa na razon di

Afls. 300.000,--.

No mester lubida cu Lotto pa Deporte tin obligacionnan di be-lasting pa cumpli cu nan tambe, manera e.o. erfpachtsrechten y grondbelasting cu ta mas o menos 100 mil florin banda di otro gastonan di operacion.

Lotto pa Deporte tin un Pay-out Ratio di premcio rond di 50%. Pues 50% bruto di entrada di Lotto ta bay pa cum-pradornan! Tur e cifranan aki ta controla y coregi pa accountantnan serio y masha confinable.

 BANCO DI CARIBE				
OFFICIËLE KOERSEN TEN OPZICHTE VAN DE ARUBAANSE FLORIN GELDIG OP 9 Feb, 2018 EN TOT NADER ORDER				
valuta	aankoop van publiek			verkoop aan
	bankpapier	wissels, CHQ's reischeques en overboekingen		publiek
Ned. Antil. Gulden ANG Per ANG 100	98.00	100.00	biljetten chq./overboeking	100.20 100.00
Amerikaanse dollar USD	1.77	1.78		1.80
Canadese dollar CAD	1.39	1.41		1.43
Zwitserse frank (per 100) CHF	189.91	190.63		191.43
Pond sterling GBP	2.40	2.45		2.51
Japanse yen (per 10.000) JPY	162.15	163.63		165.27
EURO (per 100) EUR	216.61	218.59		220.79
Deense kroon (per 100) DKK	28.39	29.11		29.91
Noorse kroon (per 100) NOK	21.30	22.02		22.82
Zweedse kroon (per 100) SEK	20.97	21.69		22.49

Roadshow di cerbes Chill tabata exitoso

Empleadonan di MetaCorp contento cu imagen nobo di Chill

TROPICAL Bottling Co. a lansa e imagen nobo di cerbes Chill. P'esaki Tropical Bottling Co. tabatin un roadshow y a pasa na tur compania di MetaCorp, esta ATCO Aruba, ATCO Concrete, EcoGas, New York Laundry, The Cinemas y MetaCorp, p'asina presenta e cambionan di e producto na tur empleado.

E prome sesion di e roadshow a cuminsa na ATCO Aruba y Rebecca Zievinger, representante di Tropical Bottling Co., a expresa cu tur empleado di MetaCorp tabata entusiasma cu e imagen nobo di Chill.

Tropical Bottling Co. tabatin e deseo p'e empleadonan di MetaCorp sinti nan mes importante den e logro grandi aki di Chill.

Na aña 2011 a lansa e cerbes Chill, di cual ainda aña pasa e cerbes a sali cu e logo anterior. Nan a scoge pa lansa e cambio aki, p'asina esaki por a bay cu e ambiente di Carnaval. Tur hende tabata entusiasma y tabata manera cu nan a cera conoci di nobo cu e marca. E empleadonan a haya cu e logo tabata mas jong y un tiki mas profesional.

Tur empleado a keda sumamente entusiasma cu e cambio di Chill y cu e sabor a keda mescos. A felicita e team dinamico di Tropical Bottling Co. pa haci e cambionan aki, unda cu e cambionan aki ta positivo.

Tropical Bottling Co. a haci un presentacion na tur empleado, cual ta casi 500 empleado, unda cu nan a haya un splicacion di kico tur nan a haci cu e Chill nobo, e cambionan haci y kico lo tin pa futuro, asina Mitch Bermudez, representante di Tropical Bottling Co., a expresa.

E roadshow a termina diaranzon ultimo na oficina di MetaCorp unda no solamente e empleadonan di MetaCorp a haya un presentacion di e cambio di Chill, pero tambe miembronan di directiva.



Bon dia yen di alegria !

Skirbi pa Ruthy "Lady Ruth" Vrieswijk-Bergen

E buki ta titula: "E homber'i pueblo" y su escritor ta Hyacintho Rudolfo (Rudy) Croes. E buki ta contene un bista tras e berdadero vision di Gilberto Francois Betico Croes.

E ta contene fecha y acto historico pa libertad di Aruba y e ta contene tambe un coleccion di historia/autobiografia e.o. tambe di Grupo di Betico.

Y ta Grupo di Betico a anima e dushi atardecer anochi aki na Biblioteca Nacional varios siman pasa. A reina un super dushi ambiente musical estilo concierto, pero casi na final di e anochi, famia, amigo y invitadonan a los e pianan un crenchi.

Si, Lady Ruth tabatei presente n'e bunita presentacion y bautizo di e buki aki di Rudy Croes.

"E hombr'i pueblo" aunke e no a wordo invita. E no tabata sa mes cu tabata un celebracion pa invitadonan.

Ta regularmente Lady Ruth ta bishita nos Biblioteca Nacional pa nan bunita actividadnan informativo educativo, social, cultural. Ora el a topa cu un bon amigo na Plaza Café, el a tende di e presentacion y bautizo di e buki aki y a dicidi di yama Biblioteca Nacional ora el a yega cas pa haya mas informacion tocante e atardecer anochecer aki y un di e simpatico juffrouwnan na BNA a bise cu e mes no tabata completamente na altura di e actividad aki, pero cu e ta kere cu ta atardi nan ey e ta cuminsa y cu normalmente BNA ta habri pa tur hende.

Pues nos a bay bandi 6'or nan ey pa topa cu un grupo grandi di hende ya den e sala di BNA, na porta un juffrouw cu tee-blaadje ofreciendo un glas di champagna.

Sr. Rudy Croes y su hendenan para den grupo combersando agradablemente, y nos a cana dreña. No por a ripara na ningun cara cu nan tabata sorpresa di mira'mi, al

contrario yamami bon nochi y bon bini calurosamente!

Mi a sintimi na cas mesora, mey-mey di e dushi hendenan presente y mi a bay mesora n'e mesa pa cumpra dos buki, pasobra e prijs tabata hopi bon. Unicamente Afls 10,- pa un.

Mi a dicidi di cumpra un extra, pa mi tio na Hulanda cu ta gusta politica. Mas despues nan a bin ofrecemi un glas di biña y pida pida keshi cu mi a saborea, mientras gozando di e bunita programa pa cu a yega n'e culminacion di e bautizo di e buki.

Bunita pa a tende con e Grupo di Betico a lanta y cuanto aña nan ta existi caba. Si mi no tin hera, ya nan ta existi 50 aña!!!

Ora nan a cuminsa toca y trece hopi alegria den nan dushi musica y canto, nos a bay cana rond atrobe cuminda un par di hende mas.

Ya nos a saca varios potret bunita di varios di esnan presente.

Nos a bin topa cu Rowald, e yiu homber di sra. Mayra de Graaf kende ta un di e motornan tras di Concierto Dominical ultimamente cu nos a puntre pa su mama Mayra si e tambe ta bin awe nochi BNA p'e celebracion aki, cu el a contestami cu ta invita nan a invit'e, cu otro palabra ta hendenan cu a wordo invita tey presente. O o o, mi a cuminsa hari cu mi mes, mi di cune, cu ami a bin sin ricibi un invitacion, pero cu Rudy mes a yama'mi bon bon bini y gradicimi pa a bin . Kemen, Lady Ruth a "crash un Party" sin cu e tabata sa!

Mi t'asina contento cu mi por a keda celebra e anochi bunita aki cu nan, cu hasta Lady Ruth tambe a haya un chens pa a los e pianan un crenchi cu un di e meneernan di scol di tempo di MAO, el a duna mi yui homber mayor les na MAO.

Pa medio di e relato aki, Lady Ruth kier a gradici sr. Rudy Croes y famia, pa a habri "cas" y "curason" p'e na Biblioteca Nacional, e bunita anochi di e presentacion y



bautizo di e buki interesante "E hombr'i pueblo". Si e tabata sa cu ta pa invitado so, e lo no a bay, pero lo a bay un charla na Universidad di Aruba e mesun anochi ey, pero por algo sera cu e tambe por a celebra cu nos dushi hendenan algo positivo y bunita asina.

Exito Rudy, cu bo buki! Bo lo inspira mas hende pa skirbi, pasobra ta tur hende tin nan mesun bunita storia di comparti!

Y hopi exito y mas anja di e dushi Grupo di Betico cu su alegria contagioso!!!!

God bless you!!!

Aruba Softball Bond a reuni cu pre seleccion masculino y ta cla pa ranca sali



SIMAN pasa Aruba Softball Bond a reuni cu su pre seleccion masculino. Un total di 27 hungador a wordo yama pa cu e pre-seleccion.

Presidente di ASB sr. Endy Croes hunto cu henter e directiva a repasa diferente punto. Separa di pre-seleccion a duna informacion riba planan di ASB y a acentua hopi riba e “Liga Special” cu ASB lo organisa e aña aki como parti preparatorio pa tur atleta.

Inicio di april ASB lo importa 5 pitcher di un calidad halto y competitivo. ASB lo scoge 5 equipo miembro di ASB unda cada equipo lo ricibi un pitcher. Tur equipo miembro di ASB por reforsa cu hungadornan di otro equipo sin mester pasa proceso di overschrijving solamente pa e competencia aki.

Hungadornan cu reforsa otro equipo mester ta hungadornan miembro y cu a hunga den campeonato 2017 sea A-Klas of AA. Lo hunga 5 siman unda cada encuentro lo ta dooble header.

Pitcher importa mag di lansa maximo 7 inning den e dooble header. Pues por lansa un wega completo of como ehempel e por lansa 4 inning

den prome wega y 3 inning den di 2 wega. Tambe e pitcher importa mester train talentonan hoben di e equipo cu e lo ta hungando pe tur siman. Asina nos lo desaroya tanto nos ofensa esta bateo dor di custumbra mira tipo di lansamentonan manera rising y drop ball combina cu velocidad competitivo y tambe lo traha prospectonan hoben y nobo pa pais Aruba.

E idea a cay den masha bon tera serca e hungadornan di pre seleccion. Pa locual ta trata entrenamiento lo inicia diahuebs 15 di februari na veld di Flatstone. Ta pidi tur atleta pa acudi no mas laat cu 7pm como cu Directiva lo bay tin un meeting prome cu training.

Seleccion lo biaha 1 pa 9 di juni pa Monteria, Colombia den campeonato di CONSURSA unda 9 pais lo bay ta batayando pa medaya.

A haci un suplica na tur esnan cu a haña oportunidad di a wordo pre selecta pa sea sincero, disciplina, determina pa train y bataya pa bo bandera di Bo Pais.

ASB a splica si tin atleta no por cumpli cu entrenamiento y of ta lesiona pa largo tempo esaki lo wordo

replasa unda tin un lista di 6 hungador mas cu ta den espera cu por wordo activa na cualkier momento. Finalmente ta 17 hungador ta wordo permiti di acuerdo cu reglamento di CONSURSA pa forma parti di e seleccion final. ASB ta pidi pa ban lora manga di camisa y ban traha duro pa por duna resultado. Softball den pleno desaroyo.

Pelea cu hincamento na Santa Cruz

DIASABRA, pa mas of menos 8’or y 50 di anochi, Comandante na warda a manda patruya di Santa Cruz cu refuerso na altura di Rowigini’s. E denunciante a yama bek y a declara cu e pelea a bira un caso di hincamento. E denunciante a sigui bisa cu esun envolvi ta na un cas na Macuarima. Na caminda pa e adres, na altura di Rowigini’s (dilanti di e adres di e conocido rumannan Boekhoudt) polis a mira hopi glas y boternan kibra riba e caminda. Yegando na e adres, nan a papia cu e dama R., kende a declara cu su yiu homber y amigo di su yiu a wordo maltrata pa un grupo di hoben, unda cu e conocidonan T y M B a wordo señala pa e dos victimanan. E otro hobennan cu a maltrata nan, nan no a reconoce. E homber yama JD tabata tin un hinca na su barica y tabata keha di hopi dolor. E hoben yama T a wordo maltrata na dede di su man robes (parce cu e tabata kibra). Un ambulance a wordo pidi pa e dos victimanan. Recherche na warda a wordo poni na altura. Ambulance na e sitio a trata D prome y na prome instante parce cu e hinca a yega te na su tripanan, pero mester haci un test pa por confirma esaki. T. a bay cu su famia Hospital. Tur informacion a wordo duna na recherche di Santa Cruz.



Swing cu AWE Mainta

TOB ta bira Grupo di Aña pa Carnaval 64



Swing cu AWEMainta



DESPUES di algun tremendo parada durante henter weekend tras di lomba, Aruba a sera conoci cu e ganadornan di nos Carnaval 64.

E resultadonan ta e siguiente:

Road Piece Campeon a bay pa OPC Carnival Group cu Carnival Rainbow World di Jairo Grant.

Mini Road Piece a bay pa Royal Carnival Group Rumba Mambo di Rafael Bautista.

Body Piece Luhoso:

1. Pink 4 Life – Gregory Richardson
2. Pink 4 Life – Kernrick Martijn

Body Piece Campeon:

1. TOB – Kimberly Chin
2. TOB – Gareth Cilie

Shoulder Piece Luhoso ta di Champagne Carnival Group cu Andres Diaz su creacion.

Shoulder Piece Campeon a bay pa TOB Carnival Group, di Margaret Chin.

King of Bands ta Gregory Richardson di Pink 4 Life Carnival Group.

Queen of Bands ta Kimberly Chin di TOB Carnival Group.

Seccion Luhoso:

1. Dushi Carnival Group – Reflection of the Pearls
2. Empire Carnival Group – Black Swan

Seccion Campeon:

1. TOB – Circle of life of the Phoenix
2. TOB – Guardians of the Phoenix

Best Road Show a bay pa Royal Carnival Group cu nan Energy Dancers.

Dancing Queen ta Sulevi Maduro di Empire Carnival Group.

Dancing King t Kenrick Martijn di Pink 4 Life Carnival Group.

Carosa Comercial ta esun di Superfood Reina di Carnaval di TOB Carnival Group.

Carosa Comercial Campeon a bay pa Empire Carnival Group cu nan carosa di Do it Center.

Seccion Cultural ta di OPC Carnival Group cu Dream Catcher Indians.

Seccion Creativo tambe ta di OPC Carnival Group cu Dream Catcher Indians.

Premio Incentivo a bay pa Unity Carnival Group y Aruba Doet.

Premio Inovativo a bay pa Pink 4 Life Carnival Group cu nan White Diamond Headpiece

Grupo di Ambiente un biaha mas a bay pa Empire Carnival Group.

Massa Campeon ta di TOB Carnival Group cu The Phoenix.

Y finalmente Grupo di Aña ta TOB Carnival Group.

Masha pabien na tur participante y ganadornan cu premionan bon mereci.



Swing cu AWE Mainta

Playa a sa di presenta un Parada Grandi sublime



CARNAVAL 64 di berdad a laga hende gosa cada rato.

E Parada Grandi di Playa tabata uno hopi anima y yen di ambiente.

Cu un total di 12 grupo, e Carnaval Grandi di Oranjestad a sa di complace tur mirones cu su bunitesa.

Mas di 2600 hende riba pia a sa di presenta un Carnaval 64 sublime.

Pabien na SMAC y tur stakeholders cu a hasi cu e Carnaval aki tabata posibel un biaha mas.

Potret cortesia di clickcarnaval.com



Swing cu AWE Mainta





Swing cu AWE Mainta



1 OnLine

Tel: **583-1400**

Fax: **583-14444**

Facebook:
www.facebook.com/awemainta

Website: www.awemainta.com

E-mail: noticia@awemainta.com

AWE
Mainta

Swing cu AWE Mainta



SMAC y MUSICA a duna reconocimiento na Banda di Aña y Banda Mihor Uniforma



ORGANISACIONAN SMAC y MUSICA a anuncia e ganadornan pa loke ta e bandanan musical cu mas a sobresali durante Carnaval 64. Aki ta trata di Banda di Aña y Banda Mihor Uniforma.

Pa loke ta e premio di Banda di Aña pa Carnaval 64, esaki a bay N'Fuzion, cu a cumpli cu tur rekisito pa por tabata merecedor di dicho premio.

Mester remarca cu den e rekesitonan pa sali Banda di Aña, e agrupacion musical mester tabata presente na tur parada, y mester a inclui e Soca Monarch su cancion den nan repertorio durante e paradanan.

Pa loke ta e premio di e Banda Mihor Uniforma, E agrupacion musical D'Licious tabata e ganador indudabel.

D'Licious a compaña Infintiy Carnival Group. Esaki ta un premio cu ta wordo presenta pa SMAC.

Masha pabien na N'Fuzion y D'Licious cu nan premionan!





Swing cu AWE Mainta

San Nicolas ta keda e capital di ambiente Carnavalesco!



DIASABRA e cayanan di San Nicolas a ricibi e Gran Parada di Aruba su Carnaval 64.


Parada a sali pa 12:10 di merdia, cu un solo radiante cu a duna tur participante un shot extra di energia.

Manera ta custumber di tur aña, San Nicolas a sa di duna e participantenan un tremendo ambiente.

Potret cortesia di clickcarnaval.com



Swing cu AWE Mainta





Guardacosta a rescata

3 hoben, kende nan a drief bay for di bista

WILLEMSTAD – Dialuna mainta pa mas o menos 10.15 Centro di Rescate y Coordinacion (RCC) a haya informacion di Guardacosta pa Caribe (KW-CARIB) cu 3 mucha lo a drief riba un boto di rubber bay leu di costa na altura di Santa Martha, Coursou.

E boto aki a drief bay un instancia cu na dado momento a perde nan for di bista. A dicidi mesora p'e helicopter di Guardacosta lanta buelo pa yuda den un accion di busqueda, mientras cu a saca e botonan Super RHIBB pa tambe yuda. Na mes momento CITRO tambe a ser informa di e accionnan aki.

E Super-RHIBnan tin un velocidad masha halto, y for di nan punto di sosten a subi laman.

Pa mas o menos 1 or di merdia, a logra descubri e boto di rubber aki, cu tabata na como 5 miya zuid di Santa Martha.

A pone tur 3 tripulante abordo di e Super RHIB, kendenan a muestra di ta den bon condicion y pa tur seguridad a pidi tog pa ambulance ta presente ora di bolbe Coursou.

Guardacosta a dicidi di subi e boto y e 3 hobencitonan aki, pa hiba nan tera firme na Santa Martha, unda nan a yega sano y salvo. Asina mes personal di ambulance a samina nan, y nan tur tabata bon di salud.



Corsou



Akusado den kaso di likidashon ta será aktualmente pa otro kos

WILLEMSTAD - Un dje akusadonan den e likidashon na Campo Alegre ta Julio Guerrero kende a muestra ku e sirkunstansia bou di kua e ta será ta unu totalmente inaseptabel.

Wes a muestra ku detenshon di Julio Guerrero en prinsipio ta pa otro asunto i no esun di likidashon na Campo Alegre (Blachi Bèrdè).

Djabièrnè binidero lo tin un wisio sumario tokante Julio Guerrero su detenshon. Abogado señora mr. Sul-

varan durante tratamentu di e kaso aki proforma a hasi hopi esfuerso pa tene su kliente Julio Guerrero trankil.

E akusado aki tabata reakshoná sumamente agitá riba fiskal mr. van Vliet, bisando ku esaki ta trese hopi punto inkorekto kontra dje padilanti i ku segun Guerrero, Ministerio Públiko hasta ta paga testigunan pa hasi deklarashonnan falsu.

Wes mr. Paulides sinembargo a sigui muestra ku Julio Guerrero mester warda trankil te djabièrnè awor ku ta e dia ku ta bai kaba di atendé su estadia den prizon aktualmente.

Tratamentu di e kaso di e tres likidashonnan kruel na Blachi Bèrdè ta kontinuá dia 6 di aprel binidero riba contenido i tin e indikashon ku Julio Guerrero i Reyno Cijntje ta esnan ku lo mester ta den sala di korte pa duna kuenta i rason di nan aktonan.

Pa direktiva di CTDF

Komisario Gibbs lo haña otro tarea i Angelo Tyrol por bira komisario di Turismo

WILLEMSTAD - Dia 20 di desember Konseho di Minister c.q. minister Martina, a anunsiá nanintenshon pa nombra señor Angelo Tyrol komo miembro di hunta di komisario di Curaçao Tourism Development Foundation, komparabel ku direktiva di Ofisina di Turismo di Korsou.

E kandidato nobo a keda postulá altamente rekomendá pa minister Martina omo spesialisista finansiero ku tin su kompania di konsultor i ta doño di un negoshi di merkansía deportivo.

Inisialmente Konsehero di gobiernu den asuntunan di nombramentu, STBNO, tabatin su remarken na riba e eksigenshanan na kual e kandidato pe funshon mester kumpli pero mientras tantu no a korehi e perfil pero Konsehero a duna su 'buena pro' di tur manera na nombramentu di señor Tyrol komo spesialisista finansiero

pasobra no ta su falta ku e sekretariado dje minister ta funshoná asina deficiente.

E komisarionan ku tin aktualmente den funshon ta sr. R Eleonora, sr. Fa Si Oen, señora G. Gibbs i señor K. Jonckheer.

E komisarionan ku tin aktualmente ta eksperto finansiero, eksperto komersial, eksperto riba tereno di relashon humano i eksperto gerenshal.

Pa nombra un komisario den direktiva di CTDB, mester menshoná su spesialisismo profeshonal pasobra Kódigo i Bon Gobernashon ta eksigi esaki.

Si faya ku esaki, e nombramentu por ta hasta nulo.

STBNO ta insisti ku énfasis pa minister Martina laga formulá perfil nobo pa e diferente spesialisismo.

Por ehempel señora Gibbs ta spesi-

alista finansiero i señor Eleonora ta spesialisista den relashon humano, sr. Fa Si Oen ta spesialisista huridiko i señor Jonckheer ta eksperto komersial. Dia ku minister Martina a postulá señor Tyrol, ela basá su desishon riba eksperensia di señor Tyrol komo gerente di organisashonnan ku ta logra resultadonan konkreto.

Ademas e tin diploma di Master of Business Administration.

Ku tur esaki Konsehero mr. Palm tin pas i ta di akuerdo pero e ta haña ku no por tin dos eksperto finansiero den e hunta.

Por lo tantu ela sugeri pa enkargá señora Gibbs ku e tarea di eksperto empresarial.

I finalmente Konsehero di gobiernu a rekomendá nan pa porfin regla pa ora tin kambio den komisariado, pa laga registrá esaki manera debe ser na Kamara di Komersio.



Despues di aña i mei detenshon preventivo Geertruida por bai kas **Kaso likidashon na Campo Alegre lo ta 6 di aprel proximo den korte**

WILLEMSTAD - Dia 24 di yüli 2016 a tuma lugá na Campo Alegre likidashonnan kruel ku a sakudí Kòrsou, kaminda 3 persona a pèrdè nan bida. Ta trata aki di e viktimanan R. Emerencia, I. Rosa i C. Leonard. Investigashon di e kaso aki a kana masha mankaron mes.

Anteriormente a laga un persona ku tabata sospechoso (Shurickson Thomasa) regresá kas i ayera atrobe un otro sospechoso, esta Giovanny Geertruida por a bai su kas for di prizon, despues ku 18 luna e tabata den detenshon sin e investigashon a konkluí di un forma kla.

Wes a haña ku no por sigui tene Giovanny Geertruida di e forma aki será i a lag'é bai kas.

Separadamente wes a trata e kaso di Giovanny Geertruida ku ta otro sospechoso den e likidashonnan den e mardugá di 24 di yüli 2016 na Campo Alegre (Blachi Bèrdè).

Abogado señora mr. Marije Vaders ta esun okupá ku e defensa di Giovanny Geertruida.

Tabatin e sospecho ku Giovanny Geertruida lo tin di haber ku arma di kandela ku a keda uzá den e kaso di likidashon na Blachi Bèrdè, pero wes a haña ku e investigashon andando ta tumando demasiado tempu sin un konklushon i of resultado klaritu, pa-sobra e akusado aki tin 18 luna será kaba.

Wes komo tal a disidí ku Giovanny Geertruida por regresá kas ayera mes.





Parlamentario Curtley Obispo:

Huntu nos tin ku hala mara pa salbuardiá futuro di refinaria na Korsou

WILLEMSTAD - Segun Parlamentario Curtley Obispo, aña 1914 refinashon na Kòrsou a kuminsá i nos refinaria pa mas di 100 aña tin un balor inmenso pa Kòrsou, pa trabou, pa ekonomia, pa divisa i pa henter nos komunidad.


P'esei presente, pasado i futuro ta muestra ku nos tin ku keda ku nos refinaria aki na Kòrsou. Mas di 100 aña di refiná, un refinaria kapas, di kalidat i ku balor inmenso pa henter nos komunidad.

Refineria Isla ta super importante i ta duna balor na henter nos komunidad.

Nos refinaria tin un historia riku pa loke ta desaroyo di Kòrsou, nos refinaria ta importante pa nos tur ku ta biba aki na Kòrsou, p'esei presente, pasado i futuro, refinaria ta super importante i mester keda aki na Kòrsou.

Nos antepasadonan den siglo 19 tabata tin e konfiansa, speransa i kurashi di a konstruí i kuminsá operá un refinaria.

Awor a yega e momento históriko pa nos tambe ku unidat, ku konfiansa, ku speransa i ku kurashi sigui atendé e tema super importante di kontin-



uashon i modernisashon di nos refinaria di Kòrsou kual ta sumamente importante pa asina salbuardiá nos refinaria, nos ekonomia, kuponan di trabou direkto/indirekto i desaroyo di Kòrsou.

Sentensianan pisá den kaso di kuarteto ku a tira atrako armá

WILLEMSTAD - Dia 12 di sèptèmber di aña pasá kuater hóben, nan ta Gedion Bicentini (17 aña di edat), Richendy Labeet (24 aña di edat), Marzihno Wilson (19 aña di edat) i Mark-Steven Wilson (20 aña di edat) a sera kabes i tira un atrako armá.

E plan makabre aki tabata invento di esun mas yòn, esta di Gedion Bicentini, kende a kai vários biaha den man di hustisia kaba.

E tabata alabes esun ku tabatin e arma di kandela den su poder, por sierto un arma ku a resultá den perfekto kondishon. El a bisa wes ku e no a sali kas ku e arma pa mata, pero remarkabel ta ku e arma tabata kargá

i kla pa tira.

Teniendo cuenta ku e edat di Gedion Bicentini finalmente a dun'é un kastigu di solamente dos aña detenshon hubenil. Ademas a bini padilanti di Gedion Bicentini ku e ta mentalmente retardá.

Richendy Labeet ta esun ku a fungi komo shofùr di e vehíkulo ku nan a uza pa tira e atrako. Pa loke ta trata e atrako, esaki a tuma lugá dia 12 di sèptèmber 2017 na Satisfecho Grocery den Fatimaweg.

Ampliamente wes a para ketu na e sirkunstansia personal di kada akusado i a yega na e konklushon ku tin problemanan sosial hopi serio ta hungando un ròl den e totalidat aki. Di un di e hóbenan aki a bira kono-

sí ku su tata a bandoná kas siendo e hóben aki tabatin un edat hopi abou. Un otro di e hóbenan aki tabata será na Ulanda, nan tur ta uza mariwana tur dia i algun ya ta adikto na e droga aki i pa algun di nan ta konta alabes ku e posibilidat ta grandi ku e tipo di aktonan kastigabel aki lo por rikití den futuro.

Tin e kuestion ku dos di nan ya a yega di tira atrako den pasado riba un negoshante chines. Den e kaso spesífiko aki e atrako tabata ku nan a saka 2000 florin for di e kaha di plaka, despues di a bula pasa riba tonbank estilo 'cowboy', hòrta paki di sigaria, I-pad, bòter di bebida alkohóliko, un tas di plaka.

A presentá ku karanan tapá i di un forma bastante agresivo i violento. Hopi spantu i sustu a hinka den kurpa di doño di e negoshi i e personal presente.



Workshop riba komersio i invershon den Karibe

WILLEMSTAD - Dianan 8 i 9 di febrüari COSME a tene un interesante workshop na Santa Barbara Resorts riba e tópiko di maneho di komersio i invershon ku pais i teritorionan ultramar (OCTs).

Pais i teritorionan ku a partisipá na e workshop aki tabata Aruba, St. Maarten, Kòrsou, Boneiru, British Virgin Islands, Turks & Caicos, Montserrat, Anguilla, Cayman Islands, Saba i St Barths.

E workshop aki primordialmente a keda organisá ku e propósito pa elaborá riba e diferente estudio-/raportahenan ku a keda kompletá riba e tópiko di komersio i invershon i tambe proveé pais i teritorionan ultramar (OCTs) ku e mekanismonan nesesario pa kontinuamente evaluá kuestionnan riba e tópiko spesífiko aki.

Workshopnan manera eskai ta hasi posibel pa por proveé asistensia tékniko na stakeholdernan di COSME huntu ku interpretashon di desishonnan tumá pa EU Overseas Association Decision (OAD) riba koperashon den área di komersio.

Durante e dos dianan di e workshop, pais i teritorionan partisipante a risibí konsehonan práktiko kon pa apliká e Rules Of Origin den kada un su konteksto spesífiko i tambe a risibí detayenan riba e benefishinan di e desishon aki pa kada pais i teritorio karibense ku tabata presente.

Likidashon na Campo Alegre tin di haber ku gera entre gèngnan

WILLEMSTAD - E investigashon ku hustisia a hasi den e kaso di likidashon di res siudadano na Campo Alegre dia 24 di yuli 2016 tabata pa weta te kon leu ta un asunto di reglamentu di kuenta entre e bandanan kriminal No Limit Soldiers, Buena Vista City i Army.

A trata e kasonan aki separá, pasobra entre e detenidonan aki ta reina hopi tenshon i ke evitá ku por surgi un eskalashon entre e detenidonan den prizon mes of den sala di korte.

Algun ratu promé ku tratamentu di e kaso tuma, tur hende mester a bandoná sala pa listra

debidamente den sala.

Promé tabatin tratamentu proforma di e duo Julio Guerrero i Reyno Cijntje. Abogado Jansen aki a bini ku un defensa hopi pisá na fabor di Reyno Cijntje, mustrando ku e deklarashonnan di e testigunan Diaz i 'H-41' ta kontradesí otro barbaramente.

Na final di su pleitu abogado mr. Paula Janssen a pidi libertat inmediato pa su kliente, argumentando ku e akusado aki ta wòrdu perhudiká huntu su famia pa e hecho di ta será, sin motibu.

Wes a rechasá e petishon aki.

Promé ku a hiba nan 'pariba' Hobennan ku a tira atrako armá a pidi diskulpa na viktimanan

WILLEMSTAD - Ayera tur e hóbennan ku a tira un atrako armá violento kontra doñonan di un tienda/snèk na final dje kaso a pidi dispensa pa loke nan a hasi. E abogadonan mr. Alicia Blonk i mr. B. Lie Atjam, ku kada un a defendé dos akusado, no por a hasi masha, pasobra e akusadonan a atmití tur kulpabilidad. E kastigunan finalmente a bira pa Gedion Bicintini 2 aña di kastigu hubenil di kua 6 luna kondishonal, mas guia obligatorio di Reclassering i un periodo di prueba di 2 aña.

Pa Marzihno Wilson un kastigu di prizon di 40 luna prizon di kua 10 luna kondishonal i un periodo di prueba di 3 aña i guia di Reclassering.

Pa Richendy Labeet 3 aña di prizon di kua 1 aña kondishonal i un periodo di prueba di 3 aña.

Pa Mark-Steven Wilson, kende ya a kometé un atrako armá kaba, 4 aña di prizon kitando e periodo den aresto preventivo. Loke fiskal señora mr. Hato-Willems a demandá en realidat tabata kastigunan mas haltu.



Kuerponan uniforma' polisial tabatin kontrol total dudrante Gran Marcha

WILLEMSTAD - Resúmen di aktividatnan polisial durante Gran Marcha 2018. Durante di e operashonnan aki Kuerpo Polisial Kòrsou, VKC (Vrijwilligers Korps Curacao i Curmil (Curaçaosche Militie) a traha huntu pa loke ta òrden públiko, seguridadat general i seguridadat di tráfico.

Kontrol preventivo:

Segun ordenansa nashonal 2006 Ministerio Públiko por indiká un área na unda polis por buska arma ilegal di forma dirigí. En konekshon ku esaki outoridatnan a hasi kòntrol preventivo riba persona riba e ruta i den e área di aktividatnan di karnaval.

Outoridatnan a hasi kòntrol preventivo riba 170 persona (150 hòmer i 20 hende muhé)

den e área di karnaval ariba mencioná.

Detenshon:

Outoridatnan a hasi trintisinku (35) detenshon.

- Polis a detené diesun (11) persona pa posishon di droga
- Polis a detené seis (6) persona pa menasa
- Polis a detene dos (2) persona pa menasa i pa motibu ku nan no por

a presentá un identifikashon

- Polis a detené un(1) persona pa maltrato
- Polis a detené sinku(5) persona pa motibu di resistí aresto, opstrukshon i no sigui òrdu di outoridat
- Polis a detené un(1) persona (shofùr) di vehíkulo pa motibu ku su dokumentonan no tabata na òrdu i e no tabatin hèlm bistí
- Polis a detené sinku(5) persona pa motibu ku nan no tabatin e dokumentonan nesesario di e vehíkulo òf no ta den posishon di un reibeweis
- Polis a detené dos(2) persona pa poseshon di un arma (no arma di kandela)
- Polis a detené un(1) persona pa burachería públiko
- Polis a detené un(1) persona pa motibu ku nan no por a presentá un identifikashon bálido.

E poyekto 'aktua robes, sinti'é un bes' aki tambe a kana hopi bon.

Vehíkulonnan ku a falta ku regla:

A transportá un kantidat di 8 vehíkulo ku tabata mal pará òf ku tabata opstakulisá tráfico na diferente sitio riba e ruta. Esaki ta trese un situashon di peliger especialmente ora e

instansianan ku tin ku duna asistensia urgente tin ku pasa bai. A tou e vehíkulonnan aki ku kran.

Despues ku shofùr di e vehíkulonnan aki a paga e kran partikular, nan por a bai ku nan vehíkulo. Doño/shofùr di 7 vehíkulo a presentá pa tuma nan propiedat despues ku nan a paga e kran partikular.

Otro Kaso:

- Dos(2) persona a bira malu i personal di Krus Korá a atendé ku nan
- Bringamentu na Weg naar Welgelegen

Kòntrol di e Departamento di pèrmit di Kuerpo Polisial:

E Departamento di pèrmit di Kuerpo Polisial huntu ku MEO, GMN i Brantwer a tene kòntrol na 66 estableimentu di 'horeca', 47 lugá kaminda e hendenan ta para bende kos i 6 persona ku ta kana bende kos riba kaminda públiko.

- Pèrmit ku no ta na òrdu
- Falta di higiena

A konfiská:

- Un kaha di Heineken ku mansa di pan aden
- Un bòter di wiski



**Sintonisa tur merdia e duo di periodista
Alexa Werleman y Victor (Toko) Winklaar
Den Noticia na G-FM 99.9**

**Di dialuna pa diabierna
cu noticia sin miedo**





Tratamentu di kaso di Martina i Torbed, posponé pa yüni binidero

WILLEMSTAD - E duo Martina (24 aña di edat) i Torbed (32 aña di edat) ayera, djabièrnè mester a presentá den sala di korte) pa tratamentu di e kaso kaminda nan ta akusá di un sorto di ladronisia masha pekuliar ku ta lantando kabes último tempunan.

Ta trata aki di kambio di cheque ku ta pèrtenesé na un empresa. Esaki a sosodé dia 22 di yüni 2016.

Abuzando di e funshon komo kolaboradó finansiero den un prestigioso supermerkadu e duo a traha den un koperashon estrecho i logra pone

man riba un cheque di e empresa pa por a falsifiká esaki.

Den e kaso aki ta bai pa e suma di 33.800 florin ku e duo a logra kam bia na plaka efektivu, serka un banko lokal. Tratamentu di e kaso no por a tuma lugá ayera, pasobra un di e akusadonan no tabata presente i wes a indiká di lo preferá trata e kaso ku ámbos persona presente.

E akusado Martina tin abogado señora mr. Alicia Blonk pa su defensa, siendo Torbed suerte ta den man di abogado mr. Alejandra. Un di e akusadonan aki apénas 2 dia pasá a

risibí e dagfar, di manera ku e no por a kumpli ku e kompromiso di presentá den sala di korte ayera.

Un representante di e supermerkadu tabat'ei pa entregá petishon pa daño i perwisio. Un ratu a parse ku abogado mr. Blonk lo bini ku un petishon spesial, komo tal a pidi wes 5 minüt pa konsultá ku su kliente.

Final di kuenta tòg no a bini ningun petishon èkstra di parti di e abogado. Despues di reanudá tratamentu di e kaso wes señora mr. Paulides a konkluí ku tratamentu di e kaso lo ta 1 yüni 2018 pa mitar di 9 mainta.

Alumno di Marnix F.O. ta turista na nan mes skol

WILLEMSTAD - Ku nan pasport den man alumnonan di Marnix F.O. na Rio Canario, por a bishitá ocho (8) diferente pais di Suramérica den nan kura di skol.

Anualmente dosente i gerensia di Marnixschool ta risibí ku brasa habrí e proyekto "Wereldlandendag". E proyekto akí ta un inisiativa di e komishon di mayor i tin komo meta pa kada aña eskolar, durante di un siman, duna e alumnonan e oportunitat pa sera konosí ku un otro pais.

Di e forma akí amplia nan konosementu tokante entre otro kultura, historia, bandera, kustumber i kuminda di otro pais.

Pa algun aña e proyekto akí tabata

un éksito i e aña akí no tabata un eksepsion. Durante henter e siman dosentenan a krea espasio pa siña e alumnonan tokante diferente tema mará na un pais spesífiko.

E aña akí kada grupo (klas) a kon-sentrá riba un pais di Suramérica manera:

Argentina (den grupo 8), Brasil (den grupo 3), Perú (den grupo 6), Colombia (den grupo 7), i Venezuela (den grupo 2). Paisnan mas chikitu manera Uruguay (den grupo 1), Ecuador (den grupo 4) i Frans-Guyana (den grupo 5) tambe a haña atenshon.

Kada klas ku su propio estilo a duna contenido na e siman temátiko akí. Por ehèmpel den grupo a traha riba diferente tarea, buska informashon i

inklusu traha relato tokante e pais en kuestion. Huntu ku esaki e muchanan a traha diferente obra di man.

Djabièrnè a sera e proyekto akí ku presentashon, di tur loke a siñá i trahá durante di e siman, na sobra alumno i dosente. E alumnonan ku nan pasport den man, por a bishitá e otro klasnan, akí risibí den nan pasport un stèmpel komo prueba di nan bishita na e pais.


Asina alumnonan di Marnix F.O. por tabata turista den nan mes kurá di skol. Mayor i wela tambe por a partisipá for di 11'or di mainta na e djabièrnè di eksposishon akí i atmirá tur loke e alumnonan a traha.

A haya Polis morto den su cas



Cumana #44 Tel: 586-4444 / 733-2906
E: royalfuneralhome@hotmail.com / 593-0857 / 731-5847

Always pray to have eyes that
see the best in people, a heart that
forgives the worst, a mind that
forgets the bad, and a soul
that never loses faith in God.



**Johanna Caterina
Matthew Mac-Jannet**

Better known as "Jane"
*22-12-1947 - †07-02-2018

Place and time of burial will be announced later



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Gradicimento

Na number di famia, nos kier gradici tur
esnan cu a sostene nos den e momentonan dificil
durante enfermedad, fayecimento y entierio di nos
difunto stima



**Hermenegilda "Hilda"
Croes-Donata**

Un danki di curason ta bay na tur famia, amigo y
amiganan, y conociman cu a duna aprecio na nos
mama mientras cu e tabata na bida y ariba su dia di
entierio. Boso atencion y aprecio tabata un gran
consuelo pa nos.

Nos ta invita boso pa compaña nos na tres Santo
Sacrificio di Misa cual lo tuma lugar na Misa San
Francisco na Oranjestad,
Diahuebs 15 februari 2018 pa 7:00 p.m.
Diabierna 16 februari 2018 pa 7:00 p.m.
Diasabra 17 februari 2018 pa 7:00 p.m.

Boso presencia ta altamente aprecia.

WILLEMSTAD - A haña Polis morto den su cas na Groot Kwartier. Inmedi-
atamente un batayon di Polis a acudi n'e cas. A nota presencia di Mando Policial
representa pa Marco Lacle. Ta parce cu e Polis tin 2 dia morto caba, ya cu el a
bisa durante Marcha di Mucha, di ta sinti su mes malo, pero no kier a bay cas.
Pregunta cu ta ser haci ta, si nan tabata sa cu e Polis aki tabata malo, con bini
Mando Policial no a manda ningun hende bay su cas, si a tuma nota cu for di
Marcha di Mucha e no a bin traha mas?



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Cu inmenso gratitud na Señor pa e gran misericordia
di a alivia su enfermedad largo y sufrimento

Nos ta participa cu a bay gosa den paz di Señor:



**ROBERTO
MIGDONIO CROES**

*23 Dec 1966 - †03 Feb 2018

Na number di su:

Mama: Digna Geerman
Famia Geerman-Koolman

Yiu: Ghislaine Croes y su esposo Peter

Nietonan: Alysia y Djelano Croes

Mama di su yiu: Mirlanda Tromp y famia

Su rumannan, sobrina y sobrinonan:
Jenny Vos-Anthony (na Hulanda)
Nashma Vos (Na Hulanda)

Manera ruman: Meagles, Junior y
Earney Lasten y famia
Franklin Feliciano y famia

Famia di su padrino: vda. Magdala Margarita Gress-
man

Su amiga y amigonan: Chester Berkel, Marino Pozo y
famia, Miguel Torrealba, Jairo Maduro, Diego De
Cuba, Joseph Anthony Wernet y famia, Rina, Mario,
Nino Abreu, Judith Tromp-Maduro y famia, Joselito
Dirks, Vera Richardson y famia, Judith Lopez y famia,
Kay Luckoo y famia (na Merca), Robert Ras, Chida
Croes-Werleman, Aurora Knot y famia, Mariela
Cuesta, vda. Maria Geerman-Britten, Maria Croes-
Erasmus, Ina, Karin, Luigi, Leo Koolman, Rosa
Munzenhofer y famia, Patricia Castro (na Hulanda),
Maria Croes (na Colombia), Yovita Andrade
Su mihor amigo na Hulanda: Emilio Sulca

Demas famia y ex-coleganan

Oportunidad pa condolencia: 13 di Februari di 7 pa
9'or di anochi na Aurora Funeral Home

Ta invita pa e acto di entierio cu lo tuma lugar
diaranson 14 di februari di 2 pa 4'or di atardi na
Aurora Funeral Home. Despues lo sali pa santana
Catolico na Santa Cruz.

Nos disculpa si den nos tristeza nos por a lubida
algun famia of conociman.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Lagrima y flor por seca pero su recuerdo y tur locual el
a haci y nifica pa nos lo keda graba pa semper den
nos mente y curason.

"Cerca Dios mi alma ta na paz, ta di dj'E mi salvacion
ta bini". (Salmo 62:1)

Cu hopi tristesa y dolor nos ta participa fayecimento
inespera na Hulanda di:



William Frederick Maxwell

Na number di su:

Señora: Nisha Maxwell-Wieske

Yiunan: Derrell Maxwell y Maidi Maduro
Keanan Maxwell

Nieta: Kaydie

Rumannan: Susanna Maxwell y famia
Herbert Maxwell y famia
†Cesar Maxwell y famia
Richard Maxwell y famia
Frank Maxwell y famia
Helen Bolsman-Maxwell y famia
Raymond Maxwell y famia
Howard Maduro y famia
Venetia Jansen-Maduro y famia
Rudy Vrolijk y famia

Subrino(a)nan y nan famia: Herbert, Tommy, Ali,
Dalilah, Howard, Brian, Izaira, Miguel, Maurice, Ilona,
Aberdeen, Marie-Louise, Eliah y Jordan

Tanta: Frieda y Ellis Tromp y famia

Omo: Roro y Ramona Hernandez y famia

Suegra: Nora Wieske-Beaumont y famia

Swa y cuñanan, primonan y primanan y nan famia

Famia: Maxwell, Oduber, Hernandez, Tromp, Mauricio,
Dañe, Bolsman, Jansen, Wieske, Zievinger, de Ponte,
Pourier, Martis, Maduro, Perez, van Putten, Every
Demas famia, amigo, bisña y conocir na Aruba,
Hulanda, Bonaire, Curaçao, U.S.A y Republica
Dominicana.

Ta invita pa acto di condolencia y despedida cu lo
tuma lugar diamars 13 februari 2018 na Aurora
Funeral Home di 2-4 pm. Cremacion lo tuma lugar
den seno familiar.

Nos disculpa cu despues di condolencia nos no por
ricibi bishita na cas

STA cu reunion urgene pa tur empleado di AAA N.V., afilia na STA



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Just stop your crying, have the time of your life.
Breaking through the atmosphere
And things are pretty good from here
Remember everything will be alright
We can meet again somewhere
Somewhere far away from here

Agradecido pa tur locual ela significa pa nos,
pero conforme cu boluntad di nos Señor nos ta
anuncia fayecimento inespera di nos yiu, tata, welo,
ruman, primo y omo stima:



José Luis Gregorio Lampe

Mihor conoci como: "Joselito"
*12-10-1967 - †07-02-2018

Na number di su:

Mayoman: vda. Libia Lampe y †Florencio Lampe
Yiunan: Bryan y Marlene Lampe-Angel
Tanisha y Andres Varela
Kyandra Lampe y Leroy Reiziger

Nietonan: Yxelle y Yersey Lampe

Rumannan: Marucha Lampe y famia Krosendijk
Mercedes Lampe y famia na Hulanda
Filomena Lampe y famia Tromp
†Albertico Lampe
Alfonso Lampe y famia
Jasmin Lampe y Mario Wester y famia
Omayra Lampe y famia Rijke
Randolf y Gloria Lampe y famia
Alfred Lampe y Lourdes Rodriguez y famia
Martica y Arsenio Eckmeyer y famia
†Efrain Croes

Mama di su yiunan: Mylène Heronimo

Primonan: Armando, Ricky, Marian, Ludwina y
Jeanine Croes y famia

Tur su sobrina y sobrinonan, ihanan y nan famia,
comer y compeman

Demas famia: Lampe na Aruba y Venezuela y
Hulanda, Croes, Krosendijk, Tromp, Wester, Rijke,
Lopez, Figaroa, De Mey, Eckmeyer, Angel, Heronimo,
Diaz, Vrolijk, Tujeehut, Ridderstap

Si acaso nos por a lubida un famia of conocir den nos
momento di tristeza nos ta pidi nos disculpa

Acto di despedida lo tuma lugar diahuebs 15 di
februari 2018 na Aurora Funeral Home di 2'or pa 4'or
di atardi, despues lo tin cremación den seno familiar.

Adres pa condolencia: Aurora Funeral Home,
diaranson 14 di februari 2018 di 7'or pa 9'or di
anochi.

Lo tin un box pa donaciona na un Bon Causa.

Si por bin bisti na coloman alegre.

DIRECTIVA di S.T.A. a haci un invitacion na tur su miembronan pa asisti na un presentacion/reunion di caracter importante cual ta concerni maneho di pensioen.

E invitacion aki ta pa tur miembro di STA cu ta resorta bou di e areglo di Pensioen di "Guardian Group" pa dicidi si ta bay cu "APFA" of ta keda bou di "Guardian".

Tur esnan cu ta miembro ta keda invita y tur esnan cu afilia of reafilia n'e sindicato prome cu 15 di februari 2018 por participa n'e presentacion aki solicita e directiva di STA cu lo tuma luga pa 7.30 di anochi, na edificio di APFA na di 3 piso na Seroe Blanco.



Cumana #44 Tel: 586-4444 / 733-2906
E: royalfuneralhome@hotmail.com / 593-0857 / 731-5847

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu inmenso tristeza na nos curazon, pero conforme cu
boluntad di Dios nos ta participa fayecimento di :



Jozef Michaël Solagnier

Mihor conoci como "Jos"
*16-09-1959 - †10-02-2018

Acto di entierro lo wordo anuncia despues



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por steuns di loke Señor ta hasi"

Agradecido pa tur locual ela significa pa nos, pero
conforme cu boluntad di nos Señor nos ta anuncia
fayecimento di



Justo Tulio Soto

*28-05-1937 - †09-02-2018

Acto di despedida lo tuma lugar diahuebs 15 di
februari 2018 na Aurora Funeral Home di 9'or pa 11'or
di maita, despues lo tin cremación den seno familiar.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu inmenso tristesa pero gradisido pa tur loke e la
nifica pa nos, nos ta anuncia
fayecimento di:



José Pascual Fingal

Mihor conoci como "Jo", "Mo Jo" of "Papap"
*19 april 1919 – †09 februari 2018
Viudo di Marianita Fingal-de Mey

Na number di su:

Yiunan: Lidia Adamus-Fingal y Fernando
"Adi" Adamus,
Henry Fingal y Elaine Fingal-Semerel
Nieta y nietonan: Adiella Adamus y Enniër Kelly,
Alhric Adamus,
Joshua Fingal,
Zillah Fingal
Bisanieta: Aiyela Kelly

Nos ta invita tur su swa y cuñanan, sobrino y
sobrinanan, comer y compeman, ihanan, y tur demas
famiannan, miembronan di organisacion Camarada
Aruba, miembronan di Club Kibrahacha 60+, y demas
amigo y amiganan

Ta invita pa e acto di entierro cual lo tuma lugar dia 16
di februari 2018 pa 11'or di mainta na Parokia San
Juan Pablo II, Tanki Leendert. For di 9'or di mainta e
restonan mortal di Jose lo ta reposa den misa y
despues lo sali pa santana Catolico na Noord.

Anochi di condolencia lo tuma lugar dia 15 di Februari
di 7'or pa 9'or di anochi na Aurora Funeral Home.

Nos ta lamenta cu despues di entierro nos no ta ricibi
condolencia na cas.



Fondo di 550 mion Euro lo ta un lus na final di tûnel pa St. Maarten

PHILIPSBURG - Kolegio di Supervishon Finansiero no ta e mònster ku Ulanda a krea pa kontrolá maneho di fondonan di gobiernunan di nos islanan manera algun parlamentario di oposishon ta pretendé.

Prinsipalmente e parlamentarionan ku un tempu a apoyá e gabinete Schotte ku a hiba e pais aki na rant di abismo i na kual nan a partisipá alegremente.

Kolegio di Supervishon Finansiero ta un órgano ku politikonan di Korsou mes a bai di akuerdo kune promé ku 101010 pero despues ku nan a traha malu ku finansia di Korsou, ta tira falta riba e Kolegio actuando stail di “El burro hablando de orejas....”

E Kolegio a simplemente ripiti kon importante ta pa drecha ekonomia di e isla atrobe.

Nan tin hasta na nan favor un Fondo di Rekonstrukshon di 550 mion Euro pero e biaha aki ku kontròl estrikto di parti di Ulanda pasobra den pasado politikonan di Sint Maarten a proba ku nan no tin e disiplina pa traha honestamente ku plaka di pueblo.

Pa start ekonomia di nobo, un empuhe di aktividat ekonómiko por tin un efekto positivo riba e kaha di gobiernu i e buraku ku nan ta premirá den presupuesto.

Miembronan dje Kolegio a partisipá na e reunionnan intensivo entre gobièrnu, Fondo Monetario Internashonal i Banko Mundial e siman ku ta kabando.

E deliberashonnan konstruktivo lo sostené e progreso i koperashon den e proseso pa yega na e rekonstrukshon tan nesesario pasobra e isla no por keda un

ruina manera e ta aktualmente.

Loke e miembronan dje Kolegio a pidi ta pa mehorá e maneho finansiero i solushoná e problemanan di komputarisashon ku a kuminsá den e di tres kuartal di 2016.

Añanan largu no tabatin mehorá significativo den e maneho finansiero.

E faktornan aki ta pone ku gobiernu no tin suficiente informashon adekuá loke ta pone ku Sint Maarten ta traha den bashí, traha pa loko i sin direkshon.

Pa añanan largu gobiernu i parlamento di Sint Maarten no tabata kapas di proba ku nan por mehorá e maneho finansiero riba su mes.

P’esei e Kolegio a pidi gobièrnu ulandes pa asistensia tékniko i fortifikashon di kapasidat riba e tereno aki pasobra un maneho finansiero fuerte lo benefisiá tantu Sint Maarten komo Ulanda.

Presidente di Kolegio Supervishon:

Sint Maarten no ta skapa di tuma medida adishonal

PHILIPSBURG – Di 5 pa 9 di febrüari Kolegio di supervishon finansiero Kòrsou i Sint Maarten (Cft) a bishitá Isla’Riba, entre otro Sint Maarten.

E tópikonan prinsipal di kòmbersashon na Sint Maarten tabata e défisitnan premirá, e situashon di likides prekario i e estado débil di e maneho finansiero.

Ku otro palabra kuantu défisit por pronostiká, praktikamente no tin

sèn den kaha di gobiernu i maneho finansiero ta suak.

Presidente dje Kolegio, Raymond Gradus a splika ku no por evitá ku presupuesto di e isla lo sera ku un buraku pero mester purba tene esaki na un minimo.

Mientras ku ta rekonstruí Sint Maarten i ta pone e ekonomia bèk riba pia, gobièrnu mester mehorá e maneho finansiero i solushoná e problemanan kontínuo di Teknologia

Intelektual.

E kolegio a kombersá ku tur hende di gobernador bin abou.

Nan a keda impreshoná ku e kapasidat di rekuperashon ku e komunidat di Sint Maarten a desplegá den e último luna i presidente dje Kolegio a ku ounke Sint Maarten a demostrá di por bai para bèk riba pia, ainda e tin hopi kaminda pa kana refiriendo na e situashon ekonómiko i finansiero delikado di Sint Maarten.



Avion cu a accidenta na Rusia a pega candela y explota despues di a dal contra tera, segun autoridadnan local

E avion di pasahero AN-148 cu a accidenta diadomingo ultimo na un localidad serca di Moscu, cu 71 persona a bordo, a pega candela y explota despues cu el a dal contra tera, segun informacion suministra pa e vocero di e Comitee di Instruccion di Rusia, Svetlana Petrenko.

“A keda determina cu na momento cu e avion a precipita pa tera, ainda e tabata henter, sin a pega candela. E explosion a keda produci despues di e caida”.

Te ainda autoridadnan no a adelanta ningun version riba e causanan posibel di e accident. Servicionan di rescate a localisa e cahanan preto di e avion.

“Dos registrador di vuelo a wordo haya. Pa loke, e investigacion ya caba ta den curso”, tabata declaracion di e vice Prome Minister Ruso, Arkadi Dvorkóvich, kende a agrega cu “e ta hopi liher pa papia di e causanan” di e accidente.



Internacional



Donald Trump a ofrece su condolencianan na e Presidente di Rusia pa e accidente aereo cu a laga 71 morto

E Presidente Mericano, Donald Trump, a papia dialuna cu su homologo Ruso, Vladimir Putin, pa ofrece su condolencianan pa e accidente aereo di diadomingo na parti noord di Moscu, cual a laga un saldo di 71 fayecido.

E yamada telefonico tabata centra riba e desaster cu a tuma lugar poco tempo despues cu e avion a sali for di e aeropuerto di Domodedovo. Sinembargo, fuentenan Ruso a informa cu e dos dirigentenan tambe a combersa riba Medio Oriente.

Pa loke ta trata e accidente, autoridadnan Ruso a indica cu nan ta studiando tur version como causanan posibel.

Tambe, nan a bisa cu e condicionnan



climatico, e factor humano of un posibel problema tecnico, pero no a menciona terrorismo.

E seccion di Fiscalia Specialisa den Transporte a anuncia den un comunicado cu “65 pasahero y seis miem-

bro di tripulacion, tur a muri”.

Dialuna autoridadnan Ruso a sigui cu e investigacion na e lugar di e accidente, aunke den condicionnan sumamente dificil pa e gran cantidad di sneeuw cu tin den e area.

Maneho financiero na Sint Maarten no ta mehorá pa kaba

PHILIPSBURG - Un dje personanan ku e Kolegio di Supervishon Financiero a kombersa kune na Sint Maarten tabata minister di finansa Ferrier kende a remplasá minister Gibson den e funshon.

Husgando pa e komentario dje Kolegio, Gibson a traha balchi ku maneho financiero di e isla, hasta tal grado ku Konseho di Minister di Reino mester tuma medida adishonal pa pone òrdu

den desòrdu.

Unikamente asina e presupuesto por kumpli ku e Lei di Reino di Supervishon Financiero.

Ku Ferrier nan a papia prinsipalmente riba finansa di gobièrnu i e défisitnan di 2017 i 2018 i e posishon di likides (plaka kèsh).

E Kolegio adishonalmente a ekspresá nan preokupashon ku e estado di e

maneho financiero kual no ta mehorando i e problemanan kontínuo di sistema komputarisá ku ta forma un hèndikèp pa tantu gobièrnu i parlamento den ehekushon di nan tareanan.

E Kolegio a bishitá tambe e Sint Maarten Medical Centre i e haf, i a papia ku representantenan di e aeropuerto i e tim di rekonstrukshon pa Sint Maarten.



AWEMainta

#1 Online

Completamente
DIGITAL

**Ricibi AWEMainta
tur dia den bo inbox**

Manda bo E-mail na noticia@awemainta.com

**Haya noticia y edicionan di
AWEMainta riba nos website**

www.awemainta.com

Like nos riba Facebook

www.facebook.com/awemainta